

ル 5
3252
4



門 几 5
號 3252
卷 4

昭和十七年
五月二十一日
購求

廣東考古輯要卷十四

寺觀

廣州府

光孝寺

南海縣西北乃南越趙建德之宅吳虞翻之園囿也

虞翻居此多植蘋蘩

唐儀鳳中六祖慧能祝髮於此圖經云

訶子樹名曰虞苑本乾明法性二寺後併為一寺中有達摩井風幡堂睡佛閣

又有筆授軒相傳唐相國房融授經之處因名筆授六朝以還名僧多居此者氣象古樸道場稱為第一

淨慧寺

在府西北半里即舊寶莊嚴寺寺有舍利塔梁大同

三年創寺唐高宗時重修宋端拱中改今名塔後毀元祐間

郡人林修建千佛塔紹聖中蘇軾顏曰六榕明黎民表有登

六榕寺浮圖詩

按六榕寺塔粵人名曰花塔蘇書六榕額二字今尚存

孤圓寺 縣境東西南北二十八寺列布四方上應二十八經

偽劉所建宋方信孺南海百詠取各寺名為詩其東七寺詩

云慈度天王更覺華蒼龍東角梵王家普慈化樂成塵土興

聖猶兼覺性誇西七寺詩云文殊千佛顯真乘水月光中見

定林昭瑞當時連集福咸池今日應奎參南七寺詩云井軫

南宮煥寶光千秋古勝並延祥祇今兩寺無名字地藏旁聯

四寶方北七寺詩云國清尊聖北山隅證果報恩同一區地

藏荒蕪並報國尚餘悟性斗牛墟

懷聖寺 在府城內唐時番彝所創有塔曰懷聖塔其額標一

金雞隨風南北每五六月夷人於五鼓登其頂呼佛號以祈

風信明洪武中金雞墮於颶風今粵人呼曰光塔

海珠慈度寺 舊在州東南漢大寶間建歲久傾圮宋寶祐中

郡人李昂英與僧鑿儀徒創江心海珠石上仍其名寺前有
文溪祠東坡及李伯震有詩

大通寺 在河南大通津上五代劉晟時名寶光寺宋政和六

年經畧使覺民題賜大通慈應禪院相傳達岸禪師住此化

去寺前後老梅百株天寶間所植

寶陀寺 在靈峰山宋蘇軾謫惠州舟泊於此感夢為詩云靈

峯山上寶陀寺白髮東坡今又來前世得雲今我是依稀猶

記妙高臺按蘇詩注靈峯山一作靈洲山明倫以訓有重修靈洲山寶陀寺記

崇福寺 在金利山下有閣臨江標曰鑒空東坡詩牌揭其上

蓋當時臨賦處

羅漢院 在秀羅山宋余靖有記

長壽寺 在城西南創於明萬厯間有拈花釋迦像飾以黃金

珠玉莊嚴妙好又有銅像云是唐鑄庵西有池通珠江應潮
汐池北為半帆堂東為繪空軒南為懷古樓水木清華廬廊
幽窈

三元宮 在粵秀山東晉南海太守鮑靚建名越岡院明時更
今名

元妙觀 在府城宋曰天慶內有平妙堂東坡有平妙堂記元
更今名

五仙觀 在郡治西其先有五仙人各執穀穗一莖六出乘羊
而至衣與羊各異色如五方既遺穗與州人騰空而出羊化
為石州人因其地為祠唐李羣玉宋古成之有詩

景泰山七仙寺 番禺縣相傳景泰禪師卓錫時有七仙人為
守其地後開得石履古鑑各一見宋方信孺南海百詠明嘉

靖中改為泰泉書院

蒲澗寺 在府城北白雲山麓宋淳化元年建相傳安期生以

七月二十五日於此上昇郡人是以悉往澗中沐浴以期霞
舉 案蒲澗寺舊志俱云建於宋考唐鄭蕢才鬼記崔焯傳中
載廣州蒲澗寺之名而李羣玉亦有蒲澗寺詩是唐時已
有此寺矣

月溪寺 在白雲山左宋太尉蘇紹箕建前有文昌菴下有月

池宋李昂英有詩

白雲寺 在白雲山上今地惟安期生祠尚存寺有九龍泉明

梁有譽有詩

靈化寺 在扶胥北為休咎禪師道場宋蔣穎叔記畧云師姓
梁氏終於元和中昔嘗謁鎮海將軍廟欲乞廟為伽藍王不
許乃為師別擇此地仍以楮錢定其四隅至今為寺鎮海將

軍即南海王也師嘗為王授五皈三戒使無害生靈云

花山寺 在扶胥山漫山皆杜鵑花春時婦女結花為熊羆之

兆蔣穎叔詩云開遍滿山紅躑躅香風一簇美人來謂此也

碧虛觀 在蒲澗中有劉氏碑東坡題名其上郡人歲以正月

二十五日為蒲澗節帥使而下傾城來遊

元真觀 順德縣南鳳山南宋真人羅務光修煉於此有紫霄

圃藏真菴煉丹井洗硯池

資福寺 東莞縣西南有羅漢閣宋元符三年比邱祖堂建閣

成走惠州求記於蘇軾惠有古舍利公易以犀帶并藏閣上

與作偈及舍利塔銘再生柏贊見輿地紀勝按寺中再生柏

相傳祖堂禪師去而枯回而復榮

鎮象塔 縣西南南漢禹餘宮使邵廷瑁建時有羣象害稼官

捕殺之廷瑁聚骨建石塔以鎮

雁塔 在道家山創建於宋邑有舉進士者題名其上

海光寺 新安縣南門外相傳南漢時有鐵佛在海中夜有光

因建祀之

觀音庵 從化縣風雲嶺依觀音巖俯臨絕壑有時雲雨出其

下

玉清觀 增城縣東北有茂平石水從石上來湍流入渠奔注

潭中巢生九節菖蒲有葛仙溪石碾

會仙觀 縣南鳳凰臺唐大厯間道人蔡乙改創於觀左立何

仙姑祠前有仙井即仙姑化身處唐劉彥賓宋白玉蟾俱有

詩

月華寺 新會縣西唐刺史孔戣奏賜月華寺額後毀宋景祐

廣東通志卷之四十四
間重修安撫張浚書表揭宋季燬元至正間重建

雙湧寺 在瀧水唐咸通間有梵僧自西來駐錫於此始建

龍山萬壽寺 縣西山有龍窟窟不可窺故老云神龍出入地

廣慶寺 [清遠]縣卽峽山飛來寺胡愈記云梁武帝末峽有神

人往叩上元延祚寺正俊禪師曰本峽居清遠上流建一道

場足立勝概師能去否倏然其說中夜風雨暴作黎明啟戶

視則琳宮紺宇一望莊嚴儼在峽中矣唐宋之間張說李鄴

許渾宋蘇軾崔與之元賈煥明孫蕢俱有詩

觀音院 縣境唐盧肇有題清遠峽觀音院詩

韶州府

南華寺 [曲江]縣南梁天監初天竺國僧智藥建後爲六祖演

法道場唐萬曆通天初則天皇后錫賚宣詔元和間賜塔曰

靈照之塔其寺爲嶺外禪林之冠有降龍塔伏虎亭卓錫亭

避難石曹溪水十二景宋蘇軾文天祥有詩

靈鷲山寺 縣北晉義熙中有天竺僧居之始興記靈鷲山臺

殿宏麗面象巧妙嶺海佛寺此爲最也

月華寺 在城南天竺僧智藥創唐招提朗法師演法之地宋

紹聖初重建蘇軾題梁云天子萬年永作神主歛時五福敷

錫庶民地獄天宮同歸淨土有性無性齊成佛道

報恩光孝寺 在河西唐開元二年僧宗錫建名開元寺又更

名大梵刺史章宙請六祖說壇經處宋紹興三年專奉徽宗

香火賜額曰報恩光孝寺前堂有秦綱義士像宋李騷明曹

時中碑記

建封寺 在府城東宋蘇軾有宿建封寺詩

廣東考古遺要

卷十四

寺觀

五

善化院 縣北宋余靖有記

芙蓉庵 在府城西芙蓉山有石室玉井泉煉丹池為漢道士康容修煉之所

臨瀧寺 [樂昌縣北唐韓愈有詩云不覺離家已五千仍將衰病入瀧船潮陽未到吾能說海氣昏昏水拍天]

西石巖寺 在城東即仙人石室也宋余靖有記

臨江寺 [仁化縣北梁大通間創宋余靖遊此有詩]

雙峯寺 [乳源縣西雙峯山五代時竟欽禪師建宋賜額曰雙峯明顧應祥有詩]

迴龍寺 [翁源縣舊在縣東八里為馬岡菴元延祐間閩越王之子白馬王修煉於此明徙建於迴龍岡因名焉]

耽石院 縣北九曲嶺巨石倚空飛泉瀉落唐天中時僧法光書堂院 在三合渡唐邵謁讀書處宋遷於落鐘潭明萬厯間遷今處建刹

金山寺 [英德縣舊經云唐長壽中雷震寺前石壁得阿彌陀佛像石上有六字云此是丈六佛跡又寺記云昔有二士遊山中忽覩道人儀形甚偉自云西土人二士退告閭里及眾往觀但見金色光耀遍山及石上字]

東華寺 在小江半山中峯頂有阜石如平臺細草平鋪綠如翠毯相傳有仙人奕棋於此

雪山院 在城南五里宋太守汪任有詩

惠州府

永福寺 [歸善縣西湖上宋建前臨鱷湖右為坡公放生池明

寺觀

會仕鑑有詩

棲禪寺

縣西宋蘇軾詩平湖春草合步至棲禪寺即此

大雲寺

縣境宋蘇軾與程鄉台侯晉叔歸善簿覃汲游大雲

寺野飲松下即此

元妙觀

在府治宋為天慶觀進士梅夫子之宅

靈惠院

縣境壁間畫一仰面向天醉僧云是蜀僧隱聯所作

東坡題詩其下云直視無前氣吐虹五湖三島在胸中相逢

莫怪不相識只見山僧不見公

香積寺

博羅縣西東坡有遊香積寺詩并序

資福寺

在羅浮山寺梁武帝時命蕭子雲飛白大書蕭寺二

字山僧摹之揭於寺門唐末毀宋初復建置舍利塔

延祥寺

在羅浮山南朝梁蕭譽建唐賜額開元中有西竺僧

以鐵釋迦像置之羅浮山後為人毀獨其首今在此寺宋余靖有記

中閣禪院

在羅浮中路隋開皇中龍華寺僧惠善發其地得

銅像一軀後建中閣以奉之宋高紳有中閣頌一名鐘閣

華首寺

在羅浮山羅浮記云其洞常有五百華首真人游會

開元二十六年奉敕建

佛跡院

在泉山唐子西記佛跡院中湧出二泉其東湯泉其

西雪如泉二泉相去步武而東泉熱甚不堪觸指以西泉解

之纔適沐浴此物理之不可解者

黍珠菴

在浮山南創自鮑靚左壁有何仙姑詩蹟

軒轅菴

在羅浮水簾洞南唐軒轅集居之陸龜蒙有詩

獅子菴

在羅浮泉源山下宋王胃有記

朱子菴 在羅浮朱靈芝棲息處

白雲菴 在羅浮山宋鄭玠有詩

冲虛觀 在羅浮山有銅龍六銅魚一蘇軾云近於朱真人朝

斗壇獲之二物非金非石堅如窰瓷輕若木葉實神物也內

有葛洪祠及丹竈相傳晉咸和中洪煉丹於此

明福觀 在羅浮山朱明洞東南漢建即泉源福地一名九天

觀宋賜額蘇軾所書其內有西華道院

圓通閣 在羅浮之白水巖宋鄧浩有詩

阿耨塔 在羅浮阿育池側景泰禪師入定處梁蕭譽建塔三

十六所今猶有存者

佛穴 海豐縣東五峯山之麓石洞中一石水深無底壁立二

石佛旁有寺曰環田

光孝寺 龍川縣西即趙佗故宅寺右有越王井

天慶觀 縣境觀西廡有韓侯祠侯諱京河東人以忠義起上

黨帥眾破虜朝廷授以高爵總兵嶺南守循十年有功於民

青華觀 在霍山即太乙巖巖內一穴唐會昌中有米從穴出

可供十餘人後僧鑿穴而大之欲其多出乃止又有醴泉味

清如酒

潮州府

寶福觀 海陽縣宋紹興中掘地得古銅器鄉諺云地出寶民

獲福因名

叩齒菴 在城南韓文公招大顛至郡日住此

靈山開善寺 潮陽縣西唐貞元初建僧大顛所居中有留衣

堂相傳大顛出入有虎尾其後又有三平山神凡僧之不律

寺觀

者必擊治之宋周敦頤題壁詩云退之自謂如夫子原道深
排佛老非不識大顛何似者數重珍重更留衣

石塔寺 在城西宋紹興間建黃公度有詩

招仙觀 [揭陽縣西明山宋嘉定中建相傳有羽士隱此仙壇
尚存今為禱雨之所]

雲蓋縣 [饒平縣深澳之東南宋建石上有紫雲華蓋四字明
季廢]

清泉菴 [大埔縣東門外磔上相傳慚愧祖師至此卓錫湧泉
清冽行人便之]

馬嘶巖寺 [普寧縣唐僧大顛初創道場有敕賜馬山禪寺額
肇慶府]

白雲寺 [高要縣鼎湖山之西唐六祖高弟智常禪師創招提

凡三十有六歷宋迄元興廢失稽惟存數寺

峽山寺 在高峽山唐天寶二年建沈佺期有賦今名羚山寺

龍含院 去縣三十里相傳有六祖禪師錫杖又開山得石碑
云有客問浮世無言指落花

梅菴 在府城西北宋乾道二年僧智遠建元末廢明復建有
六祖井泉水可飲

金粟庵 縣西南宋時僧祖泰歸真處有中書舍人李璆記
龍興寺 [新興縣東北唐建許渾有晨自竹徑至龍興寺詩

永寧寺 縣南邨村旁相傳為六祖辭母處旁有辭母石
六真院 縣東南宋蔡確貶新州嘗寓此

法相院 縣東宋紹興中建中有贊聖大師化身甄塔三級肉
身在光孝寺見輿地紀勝

夏院庵 縣南城外宋建爲六祖禁足之處舊有木塔三級安
祖師像

延壽寺 [高明]縣治東原名福祐院明嘉靖中提學魏校毀淫
祠改爲習儀所萬曆中遷建東郭外更今名

龜峰塔 在都合海口外明萬曆間副使陳濂建區大倫有銘
龍龕寺 [廣甯]縣六祖嘗避難構庵於此庵廢明萬曆初獲一

古碑有龍龕藏錫杖衣鉢在南華之語因建寺

化成寺塔 縣境相傳唐時仙女建一夕而成聞鷄而去但未
合尖

乾明寺 [德慶]州北香山上明李質有詩今名香山寺

高州府

觀山觀 [茂名]縣觀山之巔明孔鏞有詩

昇真觀 縣西仙山上有宋太宗御書藏焉明孔鏞有詩

石佛寺 [電白]縣北古記云有大石佛飛來後因風雷不見惟
存足跡

白鶴觀 縣北舊有仙人乘鶴止此因名

定光寺 [化州]輿地紀勝云寺在報恩寺左中有定光菩薩乃
汀州南安白衣巖主

廉州府

元妙觀 [合浦]縣宋元祐中建明知府張岳以觀地易爲府學
移觀於海角亭左後復故處大學士彭時記

陟岵寺 [靈山]縣東南宋周去非嶺外代荅云縣有武利場俗
傳唐則天母氏故里去場不遠有陟岵寺遺址云則天念母
爲建寺祈福之地有碑字畫略可辨其文則盧肇奉敕撰按

則天母楊末詳何地封榮國夫人卒后出珍幣建佛廬以徼福然則陟岵之說固苗裔矣惜肇碑剝落不可考然亦可疑肇奮跡武宗朝去則天固遠將奉何赦作記耶

六峯觀 縣西一石六峰上四周四壁中空而平明嘉靖中重建觀前小巖教諭吳昇刻吳道子觀音像其中

雷州府

天寧寺 [海康縣西關外唐大厯中建舊名報恩宋蘇軾書萬山第一四字於門李綱趙鼎胡銓南謫皆寓此後屢圯屢修廣濟寺 縣西五代梁僧了容建初名廣教明改今名後廢宋寇準詩十里尋幽景寒泉幾派分僧同雲夜坐雁向草堂聞淨行院 在西湖之西舊號西山寺有人竊多廉村淨行院所書院碑來遂以爲額東坡自雷適廉宿淨行院有詩詩題作

興廉村

湘光菴 [遂溪縣湘光巖北本靈惠侯祠宋靖康中有僧琮改爲禪菴李綱謫雷時嘗遊此

廣德寺 [徐聞縣元至正中建王景賢有記

瓊州府

天寧寺 瓊山縣宋建爲天南寺元更今名明洪武中移寺於今址永樂間知府王修顏曰海南第一禪林

普明寺 縣城南元文宗未登極時嘗謫居此後建爲大興龍普明禪寺學士虞集記

三山菴 縣東內有惠通泉輿地紀勝昔東坡經此僧惟德以水餉焉味類惠山因名

三清觀 在城北宋名天慶元更今名明永樂中重修知府王

修扁曰瓊臺仙境

開元寺 儋州城東宋蘇軾有詩

凌霄菴 城西宋建元重修謝廷玉有記

朝天宮 城東南中有息軒宋蘇軾息軒詩云無事此靜坐一

日似兩日若活七十年便是百四十黃金幾時成白髮日夜

出開眼三千秋速如駒過隙是故東坡老貴汝一念息時來

登此軒目送過海席家山歸未能題詩寄屋壁

景昌觀 昌化縣唐乾封中置見九域志

陽江廳

靈國寺 廳城東北唐建有銅佛像遇旱禱雨浴之輒應元圮

明重修

妙法菴 廳境宋趙良佐有詩

連州

連州寺 在城外二十里唐僧元慧居之韓愈時為陽山令與

之遊見名勝志按昌黎詩集元慧作惠有送惠師詩句云自

來連山寺曾未造城闔日攜青雲客探勝窮崖濱

北山寺 城外三十里前有海陽湖唐元結自春陵來游鑿湖

以成其勝

大雲寺 城西大雲巖上宋開寶中知州董樞建明重修知州

龔雲從記宋釋紹宗有詩

清虛觀 在靜福山梁大通中廖清虛居此山修煉邦人即其

居為觀有御書閣洪音樓歲久頽敝端平中郡守留長元禱

雨有應遂重新之

真祺觀 在錦青山舊為遊仙觀北有石如劍南有山如旗相

傳觀自唐時飛來不可考宋邵奕有詩

香積寺 陽山縣馬水村宋紹興元年建

青蓮院 在大橋堡青蓮水口元至正間建水之得名以此今廢

羅定州

龍龕寺 在九都村山石生成宛如佛龕廣容數百人唐陳集

原有龍龕道場銘

赤松子祠 州境元和郡縣志有鼎石之神隨波出入即赤松

子鍊水玉金丹處

南雄州

雲封寺 在梅關側唐時創名梅花院宋賜今額有祖師塔錫

杖泉放鉢石俗呼掛角寺相傳梁師飛來寺自吳中飛來觸

梅嶺缺一角遂以名焉元建觀音閣明改為張曲江祠

真覺寺 在世顯街宋太平興國中創後廢嘉定中知州黃庶

以禱雨符夢重建中有雨花臺

延祥寺 城東宋大中祥符己酉建有塔九層世傳異人所造

前有三影堂明邱濬有記

花林寺 城東元劉淵有詩

龍泉寺 在麒麟村寺有龍泉井深百餘丈舊傳通海眼時有

蒼龍蟠躍張士遜蘇東坡俱有留題

鶴鳴觀 城東宋元豐中有白鶴翔集故名

二仙壇 在大庾嶺巔舊傳劉許二仙烹煉於此今有仙茅惟

近壇者妙

廣果寺 始興縣陳江總經始興廣果寺詩息舟候香阜悵別

在寒林竹近交枝亂山長絕逕深輕飛入定影落照有疎陰
不見投雲狀空留折桂心

始興道館 縣境陳陰鏗遊始興道館詩紫臺高不極青溪千
仞餘壇邊逢藥銚洞裏闕仙書

嘉應州

靈光寺 在州東陰那山唐釋了拳道場有手植柏尚存又有
聖壽西竺等寺亦了拳始闢地元皇慶時僧無濟建明王守
仁有遊陰那山寺詩

西巖寺 縣西五代南漢建亦曰靈境院修於宋紹聖初重建
於元至順中宋大慧禪師以忤秦檜謫居於此

東巖寺 城東五里宋藍奎嘗讀書於此巖左有石鼓

廣福寺 城東王壽山古羽士王岐修煉於此有通天燭半天

爐仙井瀑布諸勝

神光寺 興寧縣西南舊為壽慶寺宋嘉靖間建久廢明成化
中重建正德辛巳提學魏校毀之改為採花書院嘉靖萬曆
間復建中為學士祠門外有大觀亭

廣福寺 鎮平縣葉田鄉寺前有綠山湖通長潭潭水清濁與
湖相應世傳宋南巖定光佛得道建寺運木出此

欽州

崇寧寺 州東門外舊儒學之右明正統中建嘉靖二年提學
魏校以其地為社學

廣東考古輯要卷十五

陵墓

廣州府

秦南海尉任囂墓

南海縣北番禺雜志云囂廟在法性寺前

廣民歲時祀之墓在廟下法性寺今光孝寺也墓與廟今俱不存

宋大守孔粹墓 在郡西南其子元凱得商之遺金還之商為

擇墓以葬粹俗云陰隲墓

明高士李孔修墓 在西樵雲路峯其碑曰明抱真先生李子

長之墓霍文敏韜所著也

蕃人塚 在城西十里壘壘數千皆南首西向見宋方信孺南

海百詠

漢南越武王趙佗墓 番禺縣東北番禺雜志云佗死營墓數處及葬喪車從四門出不知墓之所在惟菖蒲澗側石馬舌上有一掩何年墓川流幾代人遠同金駮裏近似石麒麟人莫解之水經注引王氏交廣春秋云越王生有奉制稱藩之節死有秘奧神密之墓佗之葬也因山爲墳其壙瑩可謂奢大葬積珍玩吳時遣使廢掘其墓鑿山破石卒無所獲佗雖奢僭慎終其身乃令後人不知其處有如喬松遷景牧豎固無所殘矣

南越明王趙嬰齊墓 縣境南越志云黃武中孫權使呂瑜訪鑿佗墓不可得掘嬰齊墓得殊襦玉匣三具金印三十六一皇帝信璽一皇帝行璽又得印三紐銅劍三枚其一刻曰純鈞二曰干將三曰莫邪皆雜玉爲匣後瑜携劍經贛上飛入

江水

太守鄧宓墓 在馬鞍山舊志馬援南征駐兵岡上每風雨晦冥若有車馬聲跡之得宓墓

布山令唐頌墓 在縣境與孝子羅威墓俱莫詳所在南齊刺史范雲嘗祭之

唐孝子王博武墓 縣南沙埗口會昌中博武奉母至廣州母溺死博武亦投水節度使盧貞收葬之表曰孝子墓

五代南漢劉氏墓 縣東漫山皆荔子樹龜跌石獸具存宋方信孺南海百詠云昔有廢其墓者其中皆以鐵鑄之嘗至此地摩挲斷碑不見始末但見其詞皆是葬婦人墓考之偽史疑是懿陵也

劉王墓 郡北山七里有雷洞俗謂偽劉雷將軍墓又云劉氏

時所鑿謂之雷藏欲以饗雷事見番禺雜誌者亦疑爲趙
佗墓明崇正九年秋北亭洲澗有雷出奮而成穴一田父見
之投以石空空有聲乃內一雄雞其中夜靜聞鷄鳴於是率
子弟入堂宇豁然玉几金案備列有十二金人二金像冕而
坐若王與后旁有學士十八以白銀爲之地皆金蠶珠貝所
築又有便房當窗有寶鏡寶硯碧玉盤各一他珍衆甚衆後
白邑令合丞往搜發得玉枕一金人四承棺有黃金磚四一
碑當穴門中立辭稱高祖天皇大帝哀册文翰林學士知制
誥正義大夫尙書右丞相紫金袋臣盧應敕撰并書蓋劉龔
墓也

花田 在城西三角市平田彌望皆種素馨花嶺海名勝記云
南漢葬宮人於此有美人喜簪素馨遂種之塚上名曰素馨

斜每月夜隱隱聞笑語聲至今花香異於他處

宋奉議大夫梁百揆墓 在葛麻山明海瑞爲撰墓誌略云梁
端懿先生宋大夫也當南渡時不因官爵而變學守惟以道
德而範鄉邦講學禺山書院真西山稱爲純儒

昭隱土何正墓 在沙灣羅山昭陳獻章爲撰墓誌

君臣塚 在流花橋明紹武與其臣蘇觀生葬處

百花塚 在白雲山麓梅花坳楚庭稗珠錄云粵妓張二喬葬
處也二喬工詩畫彭文學孟陽以金贖之年二十一病死孟
陽葬之諸名士送者數十百人各植花一本以表其墓號百
花塚

宋麥將軍墓 東莞縣黃崗山今已蕪沒明陳璉詩將軍不知
何代人山下至今存古墳當年史堞已莫考空餘花卉揚清

芬

尉遲將軍墓 在靖江村路旁相傳有王氣今掘成塹將軍汗
梁人

熊飛墓 在縣東銅嶺下明葉春及有詩云千峯天半簇旌旗
想像將軍轉戰時故宅有基巢水鶴空山無廟薦江籬

明處士林彥愈墓 在銀瓶嶺陳獻章為撰墓誌

宋駙馬都尉鄧自明墓 [新安縣]石井山相傳趙玉女因靖康
之亂播遷湖海邑人鄧銑獲之配其子自明生男四人日祀
日梓後杞梓以其母手書上光宗賜祭田千頃今田尚存子
孫繁盛

金夫人墓 在官富山相傳慈元后女溺死鑄金身以葬

明雙烈墓 縣西石鼓墩明嘉靖十一年有游梁二姓皆以拒

賊死葬此

宋伍隆起墓 [新甯縣]東一名香頭墳帝昺時隆起起義為其

下所殺殺者持首投元隆秀夫收遺骸以香刻首葬於此

宋右丞相崔清獻墓 [增城縣]歸仁鄉崔清獻言行錄公第在

廣城墓在增邑西五十里從考妣也故文溪挽公詩曰死孝
傍先君

宋疑陵 [香山縣]南壽星塘相傳馬南寶葬端宗於此又端宗

太后全氏葬梅花坡上或曰即縣南梅花水側 按考宋史全
公入燕後削髮為尼卒于北未嘗南還也明張詡詩全后燕
京去不還一陵誰道葬香山祇應此地衣冠在月色長如見
顏

太傅樞密使張世傑墓 縣西南黃良都赤坎村說郭云世傑
當景炎帝殂復擁立祥興於海上戰不利舟覆而薨諸軍棺

殮焚尸島上膽大如斗忽雲中現金甲神大呼云太上以我
馳驅關係不小已多方措設恢復矣由是軍心不移陸秀夫
作詩挽之有曾聞海上鐵斗膽猶見雲中金甲神之句明黃
佐曰相傳世傑葬陽江縣潮居里赤坎村今考陽江無此村
里則此為真墓無疑佐有詩云陽江不見潮居里此地真存
太傳墳

宋端宗永福陵

新會縣南厓山張世傑所葬按舊志言景炎

帝崩於礪州至香山殯馬南寶家後葬壽星塘山中有陵跡
五處莫知真陵所在鄧光薦家所傳填海錄則以為在厓山
光薦嘗隨駕目擊其事則在厓山無疑矣

楊太后陵 在厓山海濱時太后聞變赴海張世傑營葬倉卒
莫辨其地

丞相陸秀夫墓

在二城村厓山志云厓山屬新會二城亦屬

新會里老稱陸秀夫墓明塚尚存秀夫死厓山而葬於二城
理或有之至今人指二城為忠臣山按秀夫墓志云在潮州
義之神何所不之即謂
在新會亦可也並存之

防禦使劉師勇墓 在鼓山師勇廬州人以戰功歷知州防禦
使後至海上憂憤縱酒卒相傳葬鼓山

明翰林檢討陳獻章墓 在曹幕山下湛若水為撰墓志

蕭烈婦墓 縣西雷電山婦名烏頭孃景泰間為水軍所籍犯
之不可遂被刃邑人李彥英等葬之又莊節婦墓原在縣西

吳村宏治中遷葬於雷電山與蕭烈婦相並謂之雙節
宋機宜文字陳璽墓 花縣璽從端宗入粵因家焉卒葬巴由

山

韶州府

唐張文獻九齡墓 曲江縣北羅源村宋郡守譚粹陳逸時行莫禮植松數千株紹興中舍人朱翌白太守蘇泳以公墓在法應祀歲以為常明正德間布政吳廷舉重建饗堂編夫看守

宋余襄公靖墓 城西成家山明嘉靖中巡按陳大用參政詹翰奉詔重建饗堂編夫看守

唐刺史鄧文進墓 樂昌縣東長逕即其故居會稽勞說撰墓誌四世孫牢州刺史鄧億墓亦在長逕

虞家墓 英德縣西二十里相公堆舊傳虞夫人墓其山有兜鍪鞋墓前有竹人謂婦人墳竹 按虞家墓或以為元時人考氏銀城鄉人唐黃巢攻西衡州夫人領鄉兵戰亡是虞家墓即夫人之墓無疑矣

惠州府

宋蘇東坡侍妾朝雲墓 歸善縣西湖孤山舊棲禪寺側東坡自為墓銘又悼以詩

晉葛洪衣冠塚 博羅縣羅浮山冲虛觀後洪尸解葬其衣冠鮑靚女墓 在羅浮山靚在南海小女及笄無病暴卒靚時對賓客畧無悲悼葬於羅浮山云

宋張宋卿墓 在羅浮山白蓮池宋卿母方娠父夢人贈詩有白蓮池上白蓮兒一舉成名天下知之句後宋卿以春秋為天下第一官肇慶卒葬羅浮峰前有小池曰白蓮池乃知夢驗也

明孝子何宇新墓 在黎村陳獻章李東陽俱題有詩

烈女姚氏墓 在螺湖側姚虞撰墓表畧云宏治間劇寇李志

祥亂女奔崖石間賊迫之卽投崖死今血漬石上血瑩瑩不爲風雨所蝕

宋文山二女墓 河源縣北三角村旗山下明黃昭記畧云按景炎元年十月公帥師至汀州十一月宋帝次潮州明年二月帝至惠州文山奔漳州八月李恆追之二子二女皆被執公與一子奔循州而家人送於燕史之載如此今考文山詩史云丙子定娘壽娘以病死於河源之三角村有集杜詩兩韻以哀之乃知二女之卒蓋在是年之冬而其後被執沒於燕者又二女也

古將軍墓 永安縣陳田不祥姓氏年代嘗有光氣燭天相傳爲古將軍墓

潮州府

宋丞相陸秀夫墓

海陽縣舊志云去府城八十里海中嶼上石碑尚存秀夫立衛王於厓山厓山破仗劍驅妻子入海卽負王赴海死按厓山屬新會縣南去潮廣各四百餘里今云去城南八十里恐誤

唐進士洪奮虬墓

潮陽縣西王璵山明嘉靖初有發之者

宋鄭南升墓

在南山庶子潭升朱子高弟

明嚴泉義士墓

在縣署相傳崇正時賊陷京師幕某聞變赴井死有哀其志者填井壘土成墳前構小亭題曰故明嚴泉義士之墓

明御史鄭一初墓

揭陽縣遷橋山王守仁有文祭之嘉靖中

主簿李本表其阡曰名賢之墓

烈女林九娘墓

在霖田都洋下村明郭之奇有詩

黃真考古墳墓

卷十五

陵墓

七

宋太后楊氏陵 饒平縣相傳在南澳墳頭岡今莫得其處

宋陳雷墓 大埔縣學宮後康熙中有鄉民鋤得石碑鐫宋象

州籤判從政張雷墓十大字碑下嵌誌銘石二啟視惟銅鏡一枚餘無所有

肇慶府

陳霸先墓 高要縣苟逕山相傳陳高祖壠山口有載碑石龜

大盈丈似非貴官大室所能辦府志云苟逕山今已屬東安但陳高祖其先吳興人葬萬安陵安得陵在此不知何代何人墓也

宋贈比部郎中李英墓 在橫石都祿村與妻南恩陳氏皆死難招魂合葬於此

宋陽山徐烈士墓 四會縣隆湖都皇祐間流賊劫縣烈士家

陽山方弱冠父病代統兵禦之戰死葬於此

駙馬都尉江日新墓公主趙氏墓 俱在社山下日新丞相萬

里後輔揚太后至崖門宋亡家於四會後合葬於此

秦龍母温媪墓 德慶州南越志云昔有温氏媪者端溪人澗

居捕魚自給忽於水側遇一卵大如斗歸置器中久之有物如掌長尺餘穿卵而出媪任其去留稍長五尺便能入水捕

魚自是得魚漸多後媪治魚誤斷其尾遂去數年乃還輝光炳曜媪曰此龍子今復來也始皇聞之以禮聘媪至始安江

去端溪千餘里龍輒引舟還懼而止媪殞葬江陵龍子常為大波至墓側瑩浪轉沙成墳土人謂之掘尾龍見寰宇記墓

舊在州城江南岸一夕龍子移於江北有廟曰孝通

隋潘夫人墓 在州東三州巖之東隋時烈女也開皇十年嶺

南行軍總管王續南征夫人躬至軍所貢米及馬杖教授黎
賜都夫人唐貞觀四年終葬於此

高州府

隋譙國夫人冼氏墓 〔電白縣北山遺址猶存寰宇記云電白
縣冼氏墓高涼人乳長七尺〕

宋龍學太史范祖禹墓 〔化州晁氏云公元符初徙化未幾以
疾不起聞李寶善地理俞公之子冲使窆之南山且預言獲
歸葬已而果驗塚在南山寺左有碑乃崇甯五年所立見輿
地紀勝明永樂中參議鄭阜等構祠於墓後祀嘉靖中知州
傅昂修理為亭扁曰玉光前為門題曰宋翰林學士范公之
墓 按據晁氏所記李寶預言當獲歸葬已而果驗則祖禹已
遷葬於蜀此乃空厝之地後人欽其高風於窆所構祠以
祀耳〕

廉州府

南北朝宋交州刺史陳伯紹妻墓 〔合浦縣東大人山寰宇記

石康縣嶺山即宋陳伯紹殯妻處

雷州府

宋陳以鎮墓 〔遂溪縣以鎮宋駙馬墓前有明堂石砌尚存〕

宋公主墓 縣東相傳公主偕駙馬陳以鎮俱卒葬此墓前有
公主井尚存

瓊州府

唐馮公墓 〔瓊山縣宣德間村人掘一塚有石碣刻云大唐賜
紫金魚袋馮公之墓翰林學士李吉甫撰文餘字湮沒或以
為高涼守馮寶墓按寶之妻即譙國夫人冼氏也寶卒於陳
永定三年夫人卒於隋仁壽初墓在今電白縣寶墓固應在

彼况寶之孫智戴曾侍唐太宗宴事在貞觀七年李吉甫為
 學士在憲宗元和初智戴去吉甫已七十餘年寶死又遠決
 非寶墓大抵隋唐間馮洗國於此土子孫世為南越長隋又
 以臨振郡為縣賜洗氏湯沐邑贈其孫僕為崖州總管平原
 郡公唐崖州在今瓊山縣地茲墓乃寶之子孫特失其名耳
 宋趙鼎墓 昌化縣東南明唐冑瓊臺外紀序畧云宏治壬戌
 予適瓊士王國昌宅夜話國昌言嘗夜宿昌化趙村遇老叟
 詢之曰我宋宰相趙鼎孫也祖貶崖州身死不得歸葬指屋
 旁山曰此我祖墓也考宋南渡時河東皆失忠簡之喪不得
 歸葬老叟之言不誣吾老矣恐後無注意者遂至迷失其處
 故記之並繫以詩澶淵蹕轍杳難呼南渡乾坤兩平扶竄逐
 不妨青史路塚迷瓊島未為孤 按鼎本傳遺命乞歸葬明年
 得旨汪應辰傳鼎喪過郡為

文祭之有日事已定平蓋棺恩特容於歸骨衢志載常山石
 門趙鼎墓翁仲石獸猶存而冑之說如此存之以誌來者
 陽江廳

五代南漢劉王女墓 廳東王女名素馨葬此塚上生那悉茗
 花因名素馨見明統志按此與廣州花田事相類但不云劉
 王女

宋太傅張世傑墓 廳南赤坎村相傳諸將函骨葬之於此
 大清一統志金志云宋史謂世傑死平章山下元史謂死海陵
 港口平章即海陵之東也世相傳世傑葬處為潮居里赤坎
 村明宏治中知縣柯昌始大封其墓陳獻章詩大封赤坎墓
 昭昭愜眾聞是也明黃佐則謂潮居里赤坎村乃在香山陽
 江無之考今平地都有赤坎村而無所謂潮誠有可疑嘉靖
 中知縣吳煥章修之 按世傑墓以在香山為是者自崖山志
 始以在陽江為是者陳獻章以前皆云

然茲並存之仍當從
大清一統志為定論

連州

唐中書同平章事劉瞻墓 在翠峰寺東明宏治中州守曹鎬

始修之有記嘉靖中州判余勉學用石樹亭復表彰之

南雄州

鼻天子墓 始興縣南邪階水側寰宇記云相傳昔有人開之

見銅人數十擁笏侍立器飾金銀俄聞塚中擊鼓震動山谷

懼而返間日重往已自復矣

嘉應州

梅花冷鐵墓 在西洋柯樹岷宋郭大順妻李氏墓

宋翰林學士羅孟郊墓 興甯縣南長陂羅塘年久榛蕪嘉靖

間知縣吳悌訪得之自為記見縣志逾十年知縣方述謂長

陂墓為弗真招魂葬於黃板橋

明九烈墓 長樂縣北北山寺桂王時貴州舉人陳良言寓居

長樂賊至良言妻及二妾三女一弟僕永祿婢福妹九人均

自縊邑人哀而葬之於此

廣東考古輯要卷十六

封建

漢

南粵王趙佗 真定人秦時為龍川令秦滅自立為南粵武王
高帝十一年遣陸賈立佗為南粵王佗卒佗孫胡代立胡薨
嬰齊代立嬰齊薨子興代立欲入朝內屬為相呂嘉所殺立
興子建德為王漢以兵討之凡五世九十三歲而亡見史記
南粵尉佗傳及漢書南粵傳

陽山節侯劉宗 初元元年三月以長沙孝王子封見漢書王
子侯表

陸量侯須無 高祖九年三月丙戌封三年薨其侯桑嗣三十
四年薨康侯慶忌嗣孝文五年薨孝景元年冉嗣武帝元鼎

五年坐酌金免元康四年無曾孫鄴陽秉鐸聖詔復家見漢書高祖功臣表按陸量如淳云即秦始皇本紀所謂陸量地也正義曰嶺南之人多處山陸其姓強梁故曰陸梁

海陽齊信侯搖無飲 以越隊將從破秦入漢定三秦以都尉擊項籍侯千七百戶高祖六年三月庚子封九年薨孝惠三年昭襄嗣九年薨高后五年建嗣三十年薨孝景四年省嗣十年薨無後元康四年無餘元孫之子不更未央詔復家元壽二年八月詔賜無餘代後者賢爵關內侯見漢書高惠高后文功臣表史記索隱曰海陽亦南越縣地理志闕

三國吳

番禺侯呂岱 甘醴桓治等率吏民攻岱奮擊大破之進封番禺侯見吳書本傳

廣信侯步騭 以誘斬吳巨士燮兄弟相率供命南土賓服拜平戎將軍封廣信侯見吳書本傳按廣信漢縣今肇慶府封川縣地

晉

新甯王司馬遵 成安九年立新甯王晞子遵為新甯王見晉書孝武紀按武陵王傳武陵威王晞太元六年卒孝武時追封新甯郡王

始興郡公王導 瑯邪臨沂人元帝渡江導輔政歷授遺輔明成二帝積封至始興郡公薨謚文獻世子悅早卒悅弟子混嗣見晉書本傳宋武帝受禪詔晉世封爵當隨運改降始興公為縣公

番禺侯王允之 舒子以討蘇峻切封千六百戶卒謚曰忠見

晉書王舒傳

曲江男周光 潯陽太守虓弟隨溫嶠討蘇峻有功賜爵曲江男見晉書周虓傳

新興侯慕容暉 太和五年符堅破鄴執慕容暉歸晉安帝封為新興侯見晉書本傳

龍川縣五等侯虞邱進 東海郟人元興元年從高祖東征二年破徐道覆三年定京邑義熙二年除龍驤將軍封龍川縣

五等侯九年改封望蔡縣男食邑五百戶見宋書本傳

新夷縣五等侯孫處 字季高以字行會稽永興人高祖東征孫恩季高義樂隨高祖平定京邑以為振武將軍封新夷縣五等侯義熙七年卒於晉康追封侯官縣侯見宋書本傳按新夷吳置平夷晉改新夷今為廣州府新會縣地

桂陽縣公劉義真 劉裕次子義熙九年封食邑千戶見晉書安帝紀按桂陽漢縣今為連州

南北朝宋

始興王劉濬 文帝子元嘉十三年封後與元凶同逆誅見宋書二凶傳

桂陽王劉休範 文帝第十八子孝建三年封順陽王大明 元年改封廢帝時以謀反誅見宋書文五王傳

南海哀王劉子師孝武帝二十二年子為廢帝所殺見宋書孝武十四王傳

新興王劉嵩 明帝第十一子元徽四年封齊受禪封定襄公謀反賜死見宋書明四王傳

桂陽縣侯劉義融 義慶之弟永初元年封食邑千戶元嘉十

八年卒諡曰恭子覬官至太子翊軍校尉為元凶所殺無子以弟襲之子晃繼封昇明二年謀反國除見宋書宗室傳

陽山縣男胡藩 豫章南昌人論平司馬休之及廣固功封食

邑五百戶景平元年坐守東府開掖門免官尋復職十年卒諡曰壯見宋書本傳

始興郡公傅亮 高祖受禪以佐命功封建成縣公少帝廢亮

迎奉太祖加封始興郡公食邑四千戶見宋書本傳

始興侯臧熹東莞莒人 高祖入建業以建義功封始興縣五等侯子質以生擒元凶劭功進封始興公食邑三千戶後坐

反誅見宋書臧質傳

番禺縣男褚叔度 高祖以叔度名家而能竭心盡力封食邑四百戶見宋書本傳

始興郡公沈慶之 吳興武康人以討元凶劭功封南昌縣公

後改始興公又改蒼梧為廢帝所殺子曇亮嗣泰豫元年還復先封時改始興為廣興遂以曇亮襲廣興郡公齊受禪國

除見宋書本傳

貞陽縣公沈攸之 慶之弟隨慶之征討封平樂侯褚圻濃湖

之平封滇陽縣公見宋書本傳按貞陽吳置今韶州府英德

縣宋更貞為滇

曲江縣公柳元景 河東解人以討元凶劭功封後為廢帝所

殺子承宗嗣見宋書本傳

番禺縣男褚裕之 太傅袁孫武帝時以佐命功封見宋書本傳

曲江縣侯王元謨 以討臧質功封薨諡莊子深早卒深子績

封建

嗣見宋書本傳

封陽縣侯蕭惠開 南蘭陵人大明二年出為海陵王休茂北

中郎長史寧朔將軍襄陽太守襲封封陽縣侯見宋書本傳

按封陽漢縣今肇慶府封川縣地

綏安縣侯宗越 南陽葉人太宗時封綏安縣侯泰始四年綏

安省改封邵陵見宋書本傳按綏安宋置屬義安郡今為東

莞縣地

曲江縣男庾登之 潁川鄆陵人以預討桓元功封見宋書本

傳

曲江縣侯向靖 河內山陽人以佐命封子植嗣以多過失奪

封更以植次弟植紹封坐殺人國除見宋書本傳

龍川縣男朱重恩 以南代有功封食邑三百戶見宋書鄧琬

傳

含涯縣男張景遠 以拒破豫州刺史殷琰尋病卒太宗嘉其

功進封食邑三百戶見宋書劉劭傳按含涯漢置今韶州府

英德縣

始興南亭侯劉係宗 廢帝元徽初封食邑三百七十戶見齊

書倖臣傳

齊

桂陽王蕭鏐 高帝子帝受禪封後為明帝所殺見齊書高十

二王傳

始興王蕭鑑 高帝第十子初封廣興郡王後改封見同上

南海王蕭子罕 永明元年立見齊書武帝紀

義安王蕭子琨 永安七年立見齊書武十七王傳按義安晉

黃東考古遺要卷十六 封建

置今潮州府

曲江公蕭昭秀 文惠太子第三子永明中封見齊書文二王傳

桂陽王蕭昭粲 文惠第四子永明中封見同上

桂陽王蕭寶賁 明帝第十一子中興二年謀反伏誅見南齊書明七王傳

曲江公蕭遙欣 建武元年封聞喜縣公後改封見齊書始安王道生傳

曲江縣男周奉叔 盤龍子北蘭陵人奉叔就帝求千戶侯許之時高宗輔政不可封曲江縣男三百戶奉叔大怒高宗計殺之見齊書周盤龍傳

曲江縣侯王晏 琅琊臨沂人高宗謀廢立晏響應推奉延興

元年封邑千戶見齊書本傳

梁

始興忠武王蕭憺 太祖第十一叔天監元年封食邑三千戶見梁書太祖五王傳

樂山侯蕭正則 臨川王宏子見梁書太祖五王傳按樂山齊置屬樂昌郡隋廢郡入四會縣今當為四會縣地

廣信縣侯蕭暎 普通二年封見南史梁宗室傳

貞陽侯蕭明 以武帝親愛封見同上

正階縣侯蕭確 大同二年封邑五百戶後徙封永安見梁書高祖三王傳按正階吳置斜階縣齊改正階今為始興縣地

桂陽郡王蕭融 武帝弟仕齊為太子洗馬永元中宣武之難遇害天監元年追封諡曰簡無子乃詔長沙宣武王第九子

象爲嗣襲封見梁書桂陽嗣王象傳兼採通考

南海王蕭大臨 大寶元年以拒侯景功封邑三千戶見梁書

太宗十一王傳

桂陽王蕭大成 大寶元年封見同上

新興王蕭大莊 大寶元年封邑二千戶見同上

義安王蕭大昕 大寶元年封邑二千戶見同上

綏建王蕭大摯 大寶元年封邑二千戶見同上按綏建宋郡

今四會縣地

曲江縣公蕭管 普通中封見北史梁帝蕭管傳

南海王蕭珣 後梁莒公琮弟見北史蕭琮傳

番禺侯蕭軌 世系及封侯年月無考見梁書蕭統傳

曲江鄉侯蕭勃 吳平侯景之子以廣州刺史封見南史吳平

侯景傳

曲江縣侯柳惔 河東解人高祖踐阼論功封邑千戶見梁書

本傳

永昌縣侯韋瑱 高祖卽位封梁都子天監二年改封見梁書

本傳按永昌宋置屬新會郡今爲新會縣地

浚滙縣伯馬仙琕 扶風郿人以累破山蠻功封邑四百戶後

進爵爲侯增邑六百戶見梁書本傳

增城縣伯馮道根 廣平鄞人高祖卽位封增城縣男邑二百

戶以破魏軍功進爵爲伯益封三百戶見梁書本傳

曲江縣公蘭欽 中昌魏人中大通元年以討桂陽始興陽山

叛蠻功封安懷縣男後積功改封邑五百戶見梁書本傳

廣興男何遠 東海郟人梁武踐阼以奉迎功封見梁書本傳

按廣興吳置始興未改廣興今韶州府

陳

始興王陳道譚 永定元年追封見陳書高祖紀

桂陽王陳伯謀 文帝第十三子大建中封見同上

始興王陳叔陵 高宗第二子大建元年封以謀逆伏誅見陳

書本傳

始興王陳叔重 高宗第十四子高宗崩叔陵為逆誅死是年

封叔重為始興王見陳書高宗二十九王傳

陽山王陳叔宣 高宗二十二子至德元年封貞明三年入隋

見同上

新興王陳叔純 高宗二十八子至德元年封貞明三年入隋

見同上

新會王陳叔坦 高宗第三十一子至德四年封貞明三年入

隋見同上

新益王陳叔隆 高宗第三十二子至德四年封貞明三年入

隋見同上

南海王陳虔 後主第五子至德元年封貞明三年入隋見陳

書後主十一子傳

興甯縣侯荀朗 梁元帝時為安南將軍高祖入輔朗與侯安

都等大破齊軍永定元年封侯邑二千戶見陳書本傳

清遠郡公侯安都 始興曲江人初封富川縣侯以斃衡陽王

昌功進爵清遠郡公後改封桂陽郡公見陳書本傳

懷化縣侯侯曉 安都弟以累從安都征戰有功積官至東衡

州刺史懷化縣侯見陳書侯安都附傳按懷化晉置今番禺

縣

始興侯歐陽頔 長沙臨湘人以征伐功封文帝改封陽山郡

公見陳書本傳

欣樂縣侯章昭達 吳興武康人天嘉元年追論長城之功封

邑千戶後改封邵陵郡公見陳書本傳按欣樂宋置今惠州

府歸善縣

新豐縣侯蔡景歷 濟陽考城人世祖即位以定策功封新豐

縣子天嘉三年進爵為侯見陳書本傳按新豐齊置今惠州

府長安縣

四會縣伯江大權 濟陽考城人見陳書蔡景歷附傳

中宿縣侯魯廣達 扶風郿人以隨吳明徹討周迪功封見陳

書本傳按中宿漢置今清遠縣

綏建郡公蕭摩珂 蘭陵人以誅叔陵功封見陳書本傳

潮陽縣伯陸子隆 吳郡吳人以討陳寶應功封見陳書本傳

始興縣子陸子才 子陸弟從子隆征戰有功封見陳書陸子

隆傳

海安縣伯裴子烈 以征討必先登陷陣封五百戶見陳書本

傳按海安晉縣今為東莞縣地

文招縣伯司馬印 河內温人以討始興王叔陵功封見文獻

通考按文招今德慶州宋置

隋

信安侯陳陵 盧江襄城人以破楊元感功封見隋書本傳按

信安郡隋置今肇慶府

唐

新興郡王李德良 太祖之後郇王房叔良弟武德初封坐罪
誅見唐書宗室世系表兼採文獻通考

信安郡王李禕 太宗之後吳王恪孫開元十二年改封見同
上

恩王李連 代宗第五子大曆十年封見唐書諸王世系表及
代宗二十子傳按恩唐置今恩平陽江縣地

韶王李暹 代宗第十三子大曆十年封見同上按韶隋置今
韶州府

端王李遇 代宗第十五子大曆十年封見同上按端唐置今
肇慶府

循王李通 代宗第十六子大曆十六年封見同上按循唐置
今惠州府

欽王李諤 德宗子順宗即位詔第十弟諤封欽王見唐書德

宗順宗諸子傳按欽唐置今欽州

欽王李績 順宗子永貞元年封見唐書德宗順宗諸子傳兼
採諸王世表

瓊王李悅 憲宗子長慶元年封見唐書憲宗二十五子傳按
瓊唐置今瓊州府

廣王李漉 宣宗子大中十一年封見唐書宣宗十一子傳

瓊王李祥 昭宗子光化二年封見唐書昭宗十子傳

端王李禎 昭宗子天祐元年封見同上
合浦縣公陳知略 高祖武德初封見唐書高祖本紀
始興縣伯張九齡 曲江人開元十二年封曲江縣開國男邑
三百戶十二年改封始興開國子邑四百戶二十七年封始

興開國伯邑五百戶見曲江集

潮陽郡王李洎 正已從父見正已死子納反洎以徐州刺史

歸順封見舊唐書李正已傳

五代梁

廣王朱全昱 太祖兄即位封貞明二年薨子友諒嗣坐弟友

能反廢見五代史梁家人傳

惠王朱友能 昱子太祖即位封後為宋滑二州刺史舉兵反

敗死見同上

南海王劉隱 上蔡人其祖安仁徙閩中商賈南海因家焉父

謙黃巢之亂廣州表謙為封州刺史謙卒隱代為封州梁開

平元年封南平郡王隱父子有功於嶺南遂有南海乾化元

年進封南海王是歲卒弟龔襲封貞明三年即帝位國號大

越改元乾亨後又改元白龍又改大有大有初封子宏昌為

越王五年封洪雅韶王洪杲循王十五年龔卒子玠立改元

光大二年晟弒玠自立改元應乾又改乾和乾和十一年封

子崇興梅王梅今嘉州府保興貞王貞今惠州府晟卒長子鏐繼立改

元大寶宋開寶四年國滅歸宋封恩赦侯見五代史南漢世

家按五代史職方考南漢所有地端康封連恩春新高竇雷

化韶廉欽廣惠英雄瓊崖儋萬羅潘勤瀧辯二十七州屬廣

東而攷吳任臣十國春秋云南漢所得別有潮禎循敬振五

州無化惠二州蓋南漢之辯州宋太平興國五年改曰化州

南漢之禎州宋天禧時改曰惠州南漢時固未有化與惠之

名也

宋

惠國公趙世耀 太祖後燕王房見宋史宗室世系表

英國公趙惟憲 太祖後秦王房見同上通考曰德芳子也

新興侯趙從郁 惟憲子贈新興侯見文獻通考

惠國公趙世逸 德芳曾孫贈惠國公見宋史宗室世系表

惠國公趙仲輒 太宗後漢王房見同上

欽國公趙仲咎 太宗後漢王房見同上

惠國公趙仲集 諡恭安見同上

康國公趙仲椽 諡敦恪見同上

惠國公趙仲越 商王元份房諡敦孝見同上

欽國公趙仲胡 商王房諡密靖見同上

英國公趙仲諭 商王房諡孝僖見同上

惠國公趙仲璩 商王房見同上

瓊王趙仲備 商王房諡恭憲見同上

循王趙宗景 鎮王元偃房諡思見同上

惠國公趙士岌 楚王元偃房見同上

惠王趙僅 神宗子見同上

英國公趙穗 衛宗子見同上

循國公趙承慶 魏王廷美十子長高密郡王德恭承慶德恭

子也見同上

惠國公趙叔紘 廷美三房廣平郡王德隆後見同上

欽國公趙叔完 廷美三房潁川郡王德彞子見同上

廣王趙昂 少帝弟德佑二年升封信王昂為廣王端宗崩羣

臣立之礪州遷於崖山改元祥興明年己卯張宏範兵逼丞

相陸秀夫負帝赴海死見宋史二王紀附瀛國公紀

明

永安王朱孟炯 昭庶二子建文元年封宣德七年薨諡懿簡

見明史諸王世表

新會恭簡王朱同鏘 懿庶八子成化二十三年封見同上

海陽康隱王朱安逢 惠庶七子宏治二年封見同上

曲江恭和王朱安濬 惠庶十一子宏治二年封見同上

歸善王朱當源 莊庶九子宏治元年封正德九年薨子健柵

襲封薨無子國除

德慶王朱載堦 恭庶二子嘉靖三十三年封萬曆十六年薨

子翊鏗襲封薨無子國除見同上

新寧王朱奉鈺 端嫡二子萬曆十二年封未婚薨國除見同

上

陽山恭和王朱見滂 定庶二子成化十六年封見同上

淮王朱瞻墺 仁宗第七子永樂二十二年封宣德四年就國

韶州正統元年徙饒州見同上

仁化王朱由條 敬庶四子萬曆三十五年封見同上

肇慶王朱由楨 常遠嫡五子天啟二年封見同上

南雄侯趙庸 廬州人明初從渡江洪武三年封第二十一勳

祿千石二十三年坐胡惟庸黨死除見明史本傳附廖永忠

傳兼採功臣世表

德慶侯廖永忠 廬江巢縣人洪武元年拜征南大將軍平廣

東三年封祿一千五百石七年加祿千石賜世券見明史本

傳兼採功臣世表

東莞伯何真 東莞人元江西行省左丞洪武元年廖永忠取

廣真以廣州降二十年封祿千五百石子榮洪武二十一年襲二十六六年坐藍黨誅除見明史本傳及功臣世表

合浦侯陳清 洪武十五年卒追封謚崇武見明史功臣世表

清遠伯王友 荊州人從起兵定京師論功當侯以驕縱授都

指揮及邱福等議乃封清遠伯後以安南功進世侯後坐誹

謗削爵除見明史功臣世表兼採本傳

保昌伯程寬 永樂二十年封見明史功臣表按保昌宋置屬

南雄州今省入南雄

保昌伯蔣廷珪 仁宗乳母夫洪熙元年封見明史外戚恩澤

侯表

廣東古今輯要卷十七

官制

秦

秦定南越以為桂林南海象等三郡非三十六郡之限乃置南

海尉以典之所謂東南一尉也晉書地理志

漢

詔書以州邊遠使持節并七郡皆授鼓吹以重威鎮續漢書郡國志注引

交廣春秋

建安中改交趾部為交州始得與中州等匹何廢屬荊州而荆

州牧劉表復自置交州刺史有州牧又有刺史自此始也舊志

漢初省御史監郡及平南越置南海郡守秩二千石舊志

徐廣曰南越之郎官史記集解



元鼎四年天子賜南越王丞相呂嘉銀印及內使中尉太傅印

餘得自置史記尉佗傳

南海郡有圍蓋官桂陽郡有金官番禺高要皆有鹽官中宿有

涯浦官漢書地理志

元始元年夏五月置交趾部大司農丞勸農桑黃志

伏波將軍漢武帝征南越始置此號以路博德為之宋書百官志按通典

引環濟要略以武帝征南越置伏波將軍之號欲船涉江海波浪伏息

按史記功臣表有越戶將貫齊侯呂漢書功臣表作貫越隊

將海陽齊信侯搖毋餘漢書越將絳陽齊侯華無害絳陽漢書作終

陵越連敖煮棗靖侯赤漢書作煮棗南越將滕侯畢取漢書

越將南越郎臨祭侯孫都南粵尉佗傳作粵郎都稽漢書功臣表有越將

陽都敬侯丁復史記作趙將以上皆越中官每官俱止一人

晉

晉迄南朝刺史任重者為使持節都督輕者為持節故有督揚

荆江湘交廣六州諸軍事有督交廣二州諸軍事亦有止督

廣州諸軍事者亦有假節者皆加平越中郎將及平南將軍

等號刺史無將軍者謂之單車刺史太守無將軍者以為耻

乃定將軍等級差次之而刺史得自署守令其所統廣州諸

軍曰仁威府曰揚烈府曰綏甯府之類是謂軍府其府佐皆

置主簿及中兵參軍其開督府廣州所督至二十州焉黃志

武帝置平越中郎將居廣州主護南越晉書職官志

咸康二年置廣州月令從事史黃志

宋

宋初置平越中郎將宋書百官志

齊

西南二江川源深遠別置督護專征討之南齊書州郡志

平越中郎將府置佐史隸廣州南齊書百官志

隋

魏以酈道元為大使慰撫六鎮大使始此隋文帝開皇九年詔

遣柱國韋洸安撫嶺外通考

唐

開元中凡八節度使磧西河西隴右朔方河東幽州劍南嶺南此八節度也後史增加兼改名號蓋古之持節都督江左四中郎將近代行軍總管之任若朝覲則置留後擇其人而任之通典

至德元年升五府經畧討擊使為嶺南節度使領韶循潮康瀧

端新封春勤羅潘高思雷崖瓊震儋萬安藤二十二州治廣

州新唐書方鎮表

咸通三年分嶺南節度為東西道改嶺南節度為嶺南東道節

度同上

乾甯二年賜嶺南東道節度號清海軍節度同上

天寶初置十節度經畧使以備邊嶺南五府經畧統經畧清海

二軍桂容邕交四管治廣州文獻通考

嶺南採訪使治廣州新唐書地理志

乾元元年置韶州連州郴州三州都團練守捉使治韶州新唐書方

鎮表

凡天下十道嶺南道置府凡三通考

宋

經畧安撫司經歷安撫使一人以直秘閣以上充掌一路兵民之事皆帥其屬而聽其獄訟頒其禁令稽其錢穀甲械出納之名籍而行以法事難專決則具可否具奏卽於機速邊防及士卒抵罪者聽以便宜裁斷帥臣任河東陝西嶺南路職在綏御戎夷則爲經畧安撫使兼都總管以統制軍旅有屬官典領要密文書奏達機事宋史職官志

舊志安撫總一路兵政以知州兼充大中大夫以上或曾歷侍從乃得之品卑者止稱主管某路安撫司公事中興以後職名稍高者出守皆可兼如係二品以上卽稱安撫大使廣東西荆南襄陽仍舊制加經畧二字凡帥府皆帶馬步軍都總管同上

皇祐四年詔廣桂二州帶經畧安撫使文獻通考

慶元五年臣僚言遴選帥才除嘗任執政外兩制從官必曾經作郡庶官必曾任憲漕實有治績者從之惟廣南東西兩路則帶經畧安撫使宋史職官志

紹興五年樞密院言東南多事合要近上兵官總領軍政乃詔兩浙江南荆湖福建廣東可依三路置總管於帥府文獻通考

熙寧初詔河東河北陝西三路漕臣令自辟屬各二員二年川陝閩廣七路除堂選守臣外委轉運司依四選例立格就注免赴選具爲令中興後有軍旅之事則供餽錢糧或令本官隨軍移運或別置隨軍轉運使一員或諸路事體當合一則置都轉運使以總之張公濟爲江浙荆湖廣南兼福建都運隨軍及都運廢置不常而正使不廢若副使若判官皆隨資之淺深稱焉宋史職官志

乾德以後僭偽畧平始置諸道轉運使以總利權開寶六年廣南平除徐澤為判官蓋轉運判官始此文獻通考

發運使副判官熙寧初兼提舉九路坑冶市舶之事元祐中詔

發運使兼制置茶事崇寧三年始別差官提舉茶鹽紹興二

年以其職事分委漕臣八年再置經制發運使九年廢乾道

六年復置以戶部侍郎史正志為兩浙京湖淮廣福建等路都大發運使是冬廢宋史職官志

淳化二年以司門員外郎董循等分充諸路轉運司提點刑獄

四年省景德四年置諸路提點刑獄公事以朝臣充又為之

副以武臣閣門祇候以上充天禧四年加勸農使俄改提點

刑獄勸農使又以武臣為副使天聖六年悉罷明道二年復

置嘉祐中議者謂武臣不可為監司罷之治平元年罷提點

刑獄而委轉運司熙寧二年諸路提點刑獄復差文臣其武

臣悉罷宣和初詔江西廣東增置武提刑一員然遇闕帥不

許武憲兼攝文獻通考

自開寶平吳之後因其舊置錢監於鄱陽既而閩廣之地皆有

監係發運使兼提點景祐二年始置江浙川廣福建等路都

大提點坑冶鑄錢一員元豐二年三司言江浙等路提點坑

冶鑄錢官一員通領九路水陸巡按不周欲增一員分路提

點從之遂定為兩司在虔者領江西荆湖二廣焉紹興二十

六年詔都大提點坑冶鑄錢司官吏並罷合逐路轉運司交

割二十九年從左司諫何溥言乃復置以江淮荆浙福建廣

南路提點坑冶鑄錢公事繫銜與運判序官同

開寶四年下廣南以同知廣州潘美尹崇珂兼市舶使通判謝

處玘兼市舶判官咸平二年合杭州明州各置市舶聽蕃官
從便熙寧中始變市舶法泉人賈海外者往復必使東詣廣
否則沒其貨太守陳侂奏疏願置市舶於泉不報哲宗即位
之二年始詔泉置市舶蕃制雖有市舶司多州郡兼領元豐
中始令轉運司兼提舉而州郡不復預矣後專置提舉而轉
運亦不復預矣後盡罷提舉官至大觀元年續置上同

宋初革五季之患召諸鎮會於京師賜第以留之分命朝臣出
守列郡號權知軍州事軍謂兵州謂民政焉其後文武官參
為知州軍事二品以上及帶中書樞密院宣徽使職事稱判
太守賦役錢穀獄訟之事兵民之政皆總焉若瀘州潭州廣
州桂州雄州則兼安撫使兵馬鈐轄上同
通判宋乾德初始置建炎四年詔知府公事並須長史通判簽

議連書方許行下時大郡置二員餘置一員州不及萬戶不
置武臣知州小郡亦特置焉其廣南小州有試秩通判兼知
州者元祐元年詔知州係帥臣其將下公事不許通判同管
元符元年詔通判幕職官今日赴長官廳議事及都廳簽書
文檄南渡後設官如舊宋史職官志

舊制五岳四瀆東海南海諸廟各置令丞廟之政令多統於本
縣令京朝知縣者稱管勾廟事或以錄老耄不治者為廟
令判司簿尉為廟簿掌葺治修飾之事宋史職官志

都副鈐轄以朝官及諸司使以上充或一州或一路或兩路三
路亦有無都字者嘉祐詔內臣為鈐轄都監者逐路止置一
員祖宗時不常置建炎三年詔要都守臣兼兵鈐轄改為路
分都監自從益瀘夔廣桂五州牧皆以都鈐為稱而江西贛

州亦帶江西兵馬鈴轄文獻通考

海南瓊管及歸峽荆門等處跨連數郡控制溪峒置水陸都巡

檢使或三州都巡檢使以增重之同上

慶歷八年九月韶州置鑄錢監皇祐元年二月以韶州新置監

為永通監治平四年置惠州阜民監紹興二十七年七月戶

部侍郎林覺奏請永通監選通判主之玉海

元

至元十五年七月以右丞塔出呂師夔叅知政事賈居貞行中

書省事於贛州福建江西廣東皆隸焉元史世祖本紀

江南諸道行御史臺設官品秩同內臺至元十四年始置江南

行御史臺於揚州尋徙杭州又徙江州後又遷於建康以監

臨東南諸省統制各道憲司而總諸內臺初置大夫中丞侍

御史治書侍御史各一員統淮東淮西湖北浙東浙西江東

江西湖南八道提刑按察司十五年增江南湖北嶺南廣西

福建廣東三道二十三年以淮東淮西山南三道撥隸內臺

三十年增海北海南一道大德元年定為江南諸道行御史

臺設官九員以監江浙江西湖廣三省統江東江西浙東浙

西湖南湖北廣東廣西福建海南十道大夫一員中丞二員

侍御史二員治書侍御史二員經歷一員都司二員照磨一

員架閣庫管勾一員丞發管勾兼獄丞一員令史一十六人

譯史四人回回掾史通事知印各二人宣使十人典史庫子

臺醫各有差元史百官志

肅政廉訪司國初立提刑按察司四道曰山東東西道曰河東

峽西道曰山北東西道曰河北河南道至元六年以提刑按

察司兼勸農事八年置河東山西道陝西四川道十二年分置燕南河北道十三年以省併衙門罷按察司十四年復置增立八道曰江北淮東道曰淮西江北大道曰山南江北大道曰浙東海右道曰江南浙西道曰江東建康道曰江西湖東道曰嶺北湖南道十五年復增三道曰江南湖北道曰嶺南廣西道曰福建廣東道十九年增西蜀四川道二十年增海北廣東道改福建廣東道曰福建閩海道以雲南七路置雲南道以女真之地置海西遼東道二十三年以淮東淮西山南三道撥隸內臺二十四年增河西隴右道是年罷雲南道二十五年罷海西遼東道二十七年以雲南按察司所治立雲南行御史臺二十八年改按察司曰肅政廉訪司大德元年徙雲南行臺於陝西復立雲南道三十年增海北海南道其

後遂定為二十二道每道廉訪使二員副使二員僉事四員兩廣海南止二員經歷一員知事一員照磨兼管勾一員書吏十六人譯史通事各一人奏差五人典吏二人同上

至元二十六年正月戊申徙廣州按察司於韶州元史世祖本紀

三十年廣東肅政廉訪司復置廣州同上

廣東鹽課提舉司至元十三年始從廣州煎辦鹽課十六年隸

江西鹽鐵茶都轉運司二十二年併入宣慰司二十三年置

市舶提舉司大德四年改廣東鹽課提舉司元史百官志

市舶提舉司至元二十三年立鹽課市舶提舉司隸廣東宣慰

司三十年立海南博易提舉司至大四年罷之禁下番船隻

延祐元年弛其禁改立泉州廣東慶元三市舶提舉司同上

至元二十八年八月罷江西等處行泉府司大都甲匠總管府

廣州人匠提舉司廣德路錄事司元史世祖本紀

二十九年正月罷南雄韶州惠州三路錄事司上

延祐四年十二月復廣州採金銀珠子都提舉司秩正四品官

三員元史仁宗本紀

七年六月廣東採珠提舉司罷以有司領其事元史英宗本紀

至元三年二月中書叅知政事納麟等請立採珠提舉司先是

嘗立提舉司泰定間以其煩擾罷去至是納麟請復立之且

以採珠四萬賜伯顏元史順帝本紀

至元六年二月罷各處船戶提舉廣東採珠提舉二司上

明

總督兩廣軍務兼理糧餉帶管鹽法兼巡撫廣東地方一員永

樂二年遣給事中雷填巡撫廣西十九年遣郭瑄艾廣巡撫

廣東景泰三年苗寇起以兩廣宜協濟應援乃設總督成化

元年兼巡撫事駐梧州正德十四年改總督為總制尋改提

督嘉靖四十五年另設廣東巡撫止兼巡撫廣西駐肇慶隆

慶三年又設廣西巡撫除兼職四年革廣東巡撫改為提督

兩廣軍務兼理糧餉巡撫廣東萬曆三年仍改總督加帶管

鹽法明史職官志

巡撫廣東地方兼贊理軍務一員永樂中設後以總督兼巡撫

事遂罷不設上

宣德元年十一月遣御史分行天下郡縣清理軍伍五年五月

都察院請差御史巡按福建廣東典

洪武九年改浙江江西福建北平廣西四川山東廣東河南陝

西湖廣山西諸行省俱為承宣布政使司罷行省平章政事

左右丞等官改參知政事為布政使秩正二品左右叅政從
二品改左右司為經歷司十三年改布政使正三品參政從
三品十四年增置左右參議正四品尋增設左右布政使各
一人明史職官志

廣東鹽課提舉司領十二場海北鹽課提舉司領十四場廣東鹽政考

洪武二年置廣東海北鹽課提舉司建文中改為都轉運使永
樂初復故十四年初御史巡鹽景泰三年罷明史職官志

市舶提舉司掌海外諸蕃朝貢市易之事吳元年置洪武七年
罷福建之泉州浙江之明州廣東之廣州三市舶司永樂元
年復置尋命內臣提督之嘉靖元年給事中夏言奏倭禍起
於市舶遂革福建浙江二市舶司惟存廣東市舶司同上

正統元年始特置提學官專使提督學政南北直隸俱御史各
省參用副使僉事景泰元年罷提學官天順六年復設有所
轄太廣及地最僻遠歲巡所不能及者乃酌其宜廣東瓊州
以屬海南道皆專敕行事同上

成化三年三月罷兩廣提學時以兵火之餘人物凋弊按察使
夏瑱請暫裁革提學官而以他官兼之奏可
明設掛印將軍鎮守雲南兩廣續通考

鎮守廣東總兵官一人舊為征蠻將軍兩廣總督官嘉靖四十
五年分設駐潮州府協守副總兵一人潮漳副總兵萬歷
二年添設駐南澳分
守參將七人日潮州參將日瓊崖參將日雷廉參將日東山
州參將日西山參將日督理廣州海防參將日惠
將日練兵遊擊將軍一人守備五人坐管中軍官二人把總
四人明史職官志

廣東考古輯要卷十八

銓選

唐

上元二年八月壬寅置南選使簡補廣交黔等州官吏舊唐書高宗紀

唐高宗上元三年以嶺南五管黔中都督府得卽任士人而官

或非其才乃遣郎官御史爲選補使謂之南選文獻通考

唐儀鳳元年敕桂廣交黔等都督府注擬未精自今每四年遣

五品已上官充使令御史同注擬人謂之南選玉選

唐高宗詔更定選補桂廣交黔等州選士例應選補時差內外

官五品以上清正官充使選補仍令御史同往注擬其有應

任五品以上官者奏取處分全唐文 欽定

唐元宗詔聞嶺南州縣近來頗習文儒自今已後其嶺南五府

管內白身有詞藻可徵者每至選補時任令應諸色鄉貢舉仍委去使准式考試有堪及第者具狀聞奏如有願赴京者亦聽其前資官並常選人等有詞理兼通才堪理務者亦任此選及授此官

蘇頲遣王志愔等各巡察本管內制曰諸道按察使揚州長史王志愔廣州都督宋璟等宜令各巡本管內官人有清介獨立可以標映士林或文吏兼優可以潤益邦政者百姓中有文儒異等道極專門或武力超羣聲侔敵國者並精加訪擇具以名聞諸道僻遠州及嶺南道委使人量差判官分道巡按俱同上

唐開元八年八月二十五日移嶺南選補使於桂州通鑑云開元元年大歷十四年十二月敕南選掌以郎官不復以御史監臨興

元元年侍郎劉滋知洪州南選大和三年二月停嶺南選補

元和二年八月王瓘充選補使御史崔元方監焉壬海引會要

興元元年改吏部侍郎往洪州知選事時京師寇盜之後天下蝗旱穀價翔貴選人不能赴調乃命滋江南典選以便江嶺之人時稱舉職舊唐書劉滋傳

貞元九年五月敕黔中嶺南閩中郡縣之官不由吏部以京官五品以上一人充使就補御史一人監之四歲一往謂之南選杜佑通典

長慶二年正月己未權停嶺南黔中今年選補舊唐書穆宗紀

唐文宗敕嶺南選補雖是舊制遠路行李未免勞人當處若有才能廉使宜委推擇待兵息事簡續舉舊章其南選便可更

停一二年全唐文欽定

盧鈞奏海嶠擇吏與江淮不同若非諳熟土風卽難搜求人瘼且嶺中往往弊是南選今之弊是北資每年吏部選授道途遐遠瘴癘交侵選人無繇肯來其潮州官吏伏望特循往例不令吏部注擬且委本道求才若攝官廉慎有聞依前許觀察使奏正事堪經久法可施行

唐武宗以山劍湖嶺間刺史多居周行散位日久而選縣佐率是諸曹胥徒年滿則授詔自今已後每除湖嶺山劍南間刺史取其流品稍高兼曾歷三四任已上州官者如有政績委本道觀察使具以名聞

唐懿宗咸通七年以邕容桂廣等道管內監州官多是本土富豪百姓兼雜色人例皆署爲本道軍職或作試銜便奏司馬權知軍州事既不諳熟文法又皆縱恣侵欺多取良家以爲

奴婢遂使豪酋構怨溪洞不安若不條流生人轉困其邕容桂廣等道管內自今以後刺史必須精選賢良久歷官途不越資序者始許奏請俱同上

宋

嶺表初平上以其民久困苛政思惠養之令吏部銓自襄荆以南州縣選見任年未五十者移爲嶺南諸州通判得攜族之官以廣南僞署官送學士院試書判稍優則授上佐令錄簿尉初州縣有關員差前資官帝以其紊常制令所在卽上關員有司除注又謂諸官或著吏能有司按其歷任三攝無曠敗者以名聞六年從流內銓之請復四時選而引對者每季一時引對之時國家取荆衡克梁益下交廣關土旣遠更多闕是以歲常放選選人南曹報狀判成送銓依次注擬其後

選部闕官即特詔免解非時赴集謂之放選習以為常而取

解季集之制漸廢宋史選舉志

景德四年夏四月癸酉詔嶺南官除赴以時以避炎瘴宋史真宗本紀

仁宗初吏員猶簡吏部奏天下幕職州縣官期滿無代者八百餘員而川廣尤多未代帝曰此豈人情之所樂耶其亟代之

宋史選舉志

川峽閩廣阻遠險惡中州之人多不願仕其地初銓格稍限以法凡州縣幕職每一任近即一任遠川峽廣南及沿邊不許挈家者為遠餘悉為近既分川峽為四路廣南東西為二路福建一路後增荆湖南一路始立八路定差之制許中州及土著在選者隨意就差名曰指射行之不廢太平興國初選人孟巒擬賓州錄事參軍詣匭訴冤坐流海島自是得遠地

者不敢辭既而詔川峽嶺南福建注授計程外給兩月期違則本州不得放上遣送闕下除籍不齒或被疾則所至陳牒長史按驗付以公據廢痼未損則條狀以聞雍熙四年又詔選人年六十勿注遠地非土人而願者聽凡任廣蜀福建州縣並給續食初嶺南闕官往往差攝至是詔州長吏試可者選用之罷秩奏送闕下與出身淳化間又詔嶺南攝官各路惟許選二十員以承之餘悉罷歸始合嶺南幕職許攜族行受代不得寄留同

唐制吏部主文選兵部主武選神宗謂三代兩漢本無文武之別議者不知所處頌言唐制吏部有三銓之法分品秩而掌選事今欲文武一歸吏部則宜分左右曹掌選事每選更以品秩分治神宗從之於是吏部有四選之法東都事略蘇頌傳

熙寧三年八月戊寅詔川峽福建廣南七路官令轉運司立格

就注著為令

宋史神宗本紀

宋元祐元年監察御史上官均言廣南攝官凡兩經解發攝簿

尉一任無過遂得正授若重加舉數亦可少節其濫

文獻通考

初祖宗朝以廣南地遠例入不足以資正官故使舉人兩與荐

送者試刑法於漕司以其合格者攝兩路正攝凡五十人月

俸人十千米二斛滿二年則錫以真命後又增五十人號曰

待次崇觀後又增五十人號曰額外其注擬皆自漕司建炎

初敕歸吏部踰年無願就者吏部請復歸漕司從之

朝野雜記

渡江以來員多闕少中外久患之紹興末寺監丞簿學官大理

司直樞密院編修官始皆有待次者乾道五年秋孝宗遂命

皆與添差一次自今須見闕乃得除然近歲東南郡守率有

待闕至五六年蜀中亦三四年由是朝士罕肯丐外而勢要

之人多攘闕者淳熙十三年詔自今存留州郡十五闕止差

一政令中書籍記以待職事官外補慶元元年又增為三十

闕非職事官補外毋得陳乞嘉泰二年夏言者請以嘉興府

處台衢嚴信池袁撫江潮漳泰溫徽等州十五闕令中書再

行注籍專待職事官請外補用如有經營留闕之人令給舍

繳駁臺諫論奏從之

故事諸道守臣皆臨遣淳熙末上以嶺南蜀道遙遠始詔川廣

知州軍見居川廣合闕到半年前奏事人及係見闕去處並

令詣本路轉運司稟事仰漕臣精加銓量人才委堪任使非

昏繆老病之人結狀保明申尚書省

十年十月庚子然諸道罕嘗舉行俱同上

曾布等言臣僚陳請恩澤宜有定制乃許見任二府歲乞差遣一人宰臣樞密使兼平章事因事罷者陳乞轉官一人指射差遣二人餘執政官並各一人待制以上乞差遣遷學士者又一人二路廣桂安撫使知成都府梓州差遣一人親孫子循一資廣南轉運提點刑獄奏子孫或期親合入官一人邕宜欽極邊烟瘴知州聽奏子孫一人

宋史選

宋包拯請廣南添差職官第一疏臣先曾上言廣南東西兩路諸州元無職官處各令置一員關掌郡事尋蒙降指揮下銓司至今未聞有人注擬雖該赦恩於選又例注家便及次遠以嶺外遐僻憚其地遠兼訪聞兩路關員甚多其十數年無王官處並差土人充攝官緣近年蠻賊侵撓民力困竭全藉廉幹官吏多方綏撫今來銓司若候令入遠選人及情願者

竊恐卒未差除得人深屬不便竊見頃年以來廣南關官遂於江浙就移兩任四考以上簿尉充彼處縣令自後因循不行欲乞特降指揮令銓司檢詳舊例於江浙荆湖等處近便路分諸州簿尉申選無公私罪犯兩任五考已上就除權職官四考已上就除縣令便令赴任如此則遠官無由倖免異俗得以輯甯第二疏臣昨上言以廣南諸州乞令後應奏蔭京朝官合該往彼知州並於次任知縣內選有治績及舉主者方得差移並乞勘會東西兩路元無職官處各選置一員至今多日未蒙朝廷施行竊緣嶺服之表地最遐僻俗性獷悍易動難安今又蠻賊猖狂郡縣騷擾長吏之任尤在得人况童孺之年未嘗學政不當輕受重困遠民且近地牧守尙有通判職官更相裨贊而嶺外遠郡乃令此輩獨員管勾民

羅其害無所控告甚非朝廷求治之本意也兼訪聞所闕職
官祇二十餘州每州各置一員事理至便所貴關掌郡務安
異俗伏望聖慈令檢會臣先進劄子速賜施行又包拯請選
廣南知州疏臣竊見廣南應係知州例差奏蔭京朝官初任
知縣乃一考者伏見世祿之曹鮮敦義教童孺之歲便忝仕
籍未嘗學政即使司民甫越期年又移典郡且一邑之事尚
未練悉六條之重安可責成地雖遠僻不可輕授方國家多
務調率旁午遠民困重尤在得人臣前任端州日具知其事
或無職官處只是知州獨員管勾其猥冗恣橫之輩則惟務
誅求庸懦懵昧者又全不曉事民罹其害無所訴告提刑轉
運使憚其遠惡復不能巡歷按劾但上下相蒙耳臣欲乞今
後奏蔭京朝官合該廣南知州者並於次任知縣內選有治

績及舉主者方得差移並乞勘會元無職官處各選置一員令
轉運提刑司非時不得差出所貴關掌郡事輯寧異俗孝肅文集
元

福建兩廣官員選充倉庫等官應得本地面從七品者准算江
南從七品資歷過一考者為始理算月日一考之上餘有月

日後任通理不及考者添一資陞轉元史選舉志

江西省英德路河西務兩處設立平准行用庫擬合設官員係
從七以下人員依例銓注

至元十四年都省未注江淮官已前創立官府招撫百姓實有
勞績者其現受職名若應受宣者三品同七品四品五品擬
同八品若應受敕者正從六品同正從九品其七品八品擬
同提控案牘巡檢正從九品擬同院務監當官無出身不應

叙白身人其現受職名應受宣者三品同八品四品五品同九品應受敕者正從六品同提控案牘巡檢七品以下擬院務監當官其上項人員若再於接連福建兩廣溪洞州郡任用擬陞一等兩廣福建別議陞轉

至元十七年七月辛丑廣東宣尉司帖木兒不花言諸軍官宜

一例遷轉

元世祖本記

凡遷調閩廣川蜀雲南官員每三歲遣使與行省銓注而以監察御史往蒞之至元十九年省議江淮州郡遠近險易不同似難以一體今量分爲三等若腹裏常調官員遷入兩廣福建溪洞州郡者於本等資歷上例陞二等其餘州郡例陞一等福建兩廣官員五品以上照勘員闕移咨都省銓注六品以下就便委用開具咨省

元史選舉志

省臣奏准福建兩廣官員多闕都省差人與彼處行臺官一同以本土周迴相應人員委用

凡職官迴降至元十九年定江淮官已受宣敕資品相應例陞二等遷去江淮官員依舊於江淮任用其已考滿考並免回降不及考者例存一等有出身未合入流品受宣者任迴三品擬同六品四品擬同七品正從五品同正八品受敕者正從六品同從八品七品八品同正從九品正從九品同提領案牘巡檢無出身及白身人受宣者三品同七品四品同八品正從五品同正九品受敕者正從六品同從九品七品八品同提領案牘巡檢正從九品擬院務監當官其上項有資品人員再於接連福建兩廣溪洞州郡任用擬陞一等兩廣福建別議陞轉

至元二十一年部擬廣西海北海南道宣慰司令史譯史奏差人等語與嶺南廣西道等處按察司書吏人等一體二十月理算一考擬六十月同考滿

至元二十三年部擬福建兩廣行省令譯史通事宣使人等擬六十月同考滿止於江南遷用若行省咨保福建兩廣必用人員於資品上陞一等

至元二十九年部擬左右兩江宣慰司都元帥府令譯史人等依雲南兩廣福建人吏六十月為滿兩廣叙用譯史除從七品非翰林院選發別無定奪令史省發考滿正八品奏差省發考滿正九品自用者降等叙

至元二十九年詔福建兩廣官員歷兩任滿者遷於接連去處一任滿日歷江南一任許入腹裏通行遷轉願於兩廣福建

者聽依例陞等俱同上

大德二年五月壬辰命中書省遣使監雲南四川海北海南廣

西兩江廣東福建等處六品以下選元史成宗本紀

皇慶二年六月丙子御史臺言廣海及雲南甘肅地遠遷調者

憚弗往乞今後加一等官之制日可元史仁宗本紀

延祐六年部呈福建兩廣海北海南左右兩江雲南四川甘肅

等處蔭叙之人如父祖始仕本處止以本地方叙用據腹裏

江南歷仕陞等遷往者其子孫弟姪承蔭又注遠方誠可憐

憫今將承蔭人等量擬叙用福建兩廣八番官員擬江南廕

叙海北海南左右兩江官員擬接連達廕叙雲南官員擬四

川廕叙四川甘肅官員擬陝西廕叙元史選舉志

至治元年十一月丁亥以教官待選者借注廣海巡檢元史英宗本紀

至治二年二月甲寅廣海郡邑官曠員願往任者陞秩二等上同

泰定四年部擬諸職官子孫承廕已有元定廕叙地方通例別

難議擬如願於廣海廕叙者聽其所請依例陞遷 廣海關

官於任滿得代有由應得路府州縣儒學教授學正山長內

願充者借注正九品以下各闕任廼止理本等月日 廣海

應設巡檢於本省應得常選上等錢穀官選擬權設理本等

月日行省自用並不應之人不許委用如受敕巡檢到彼即

聽交代元史選舉志

至順二年三月癸卯以儒學教授在選數多凡仕由內郡江淮

者注江西江浙湖廣由陝西兩廣者注福建由甘肅四川雲

南福建者注兩廣元史文宗本紀

至正十五年夏四月壬戌中書省臣言江南因盜賊阻隔所在

闕官宜遣人與各省及行臺官以廣東廣西海北海南三品

以下通行遷調五品以下先行照會之任從之元史順帝本紀

八番順元海北海南宣慰司都元帥府極邊重地合譯史人等

考滿依兩廣福建例於江南遷用元史選舉志

明

永樂初交趾新定州縣官多用兩廣雲南舉人明史黃宗載傳

嘉靖三十年四月給事中徐綱言廣東之高雷瓊州廣西之桂

梧南甯俱屬遠方聽除者往往告就遠方以規善地宜將諸

府及兩廣雲貴三司首領遼東各衛經歷皆改正選以絕覬

覷事下吏部尚書李默覆言數郡地非豐饒嵐瘴可虞苟非

大不得已人誰樂往宜仍舊法上命宜如科臣言明典彙

隆慶四年六月掌吏部大學士高拱言廣東舊稱富饒之地近

廣東通志卷之八

銓選

者民貧盜多皆坐有司不良所致而有司之不良其說有四
用人者以廣爲瘴海之鄉劣現其地有司由甲科者十之一
二而雜行者十之八九銓除者十之四五而遷謫者十之五
六彼其才既不堪又自知其前路之短多甘心於自棄一也
嶺南絕徼僻在一隅聲聞旣不通於四方動靜尤難達於朝
著有司者苟可欺其撫按卽無復有誰何之一也廣乃財賦
所出而又通番者家奇貨爲多本有可漁之利易以艷人貪
風旣成其勢轉感間有一二自立者撫按旣荐之矣而所劾
者不過聊取一二苟然塞責固不可以勝劾一也彼見撫按
亦莫我何則亦以爲得計而無所忌憚居者旣長惡不悛來
者亦淪胥以溺一也以甘於自棄之人處僻遠之地艷可漁
之利而共囿於無忌憚之風此所以善政無聞民之憔悴日

甚而皆驅之盜賊也若不亟處弊將安亟往歲奉旨多取進
士議者謂當於此等充州縣正官之選或間參以舉人嚴加
考第毋容雜流遷謫者得肆於民上則地方猶可爲也然不
肖者罰固可以示懲若使賢者不賞又何以示勸臣等廉得
潮州府知府侯必登在郡能勸農弭盜治行爲廣中第一請
特加優處以風勵庶官其廣西雲貴近年亦有兵革之事議
處有司當視此爲准上荅曰邇來遠方有司不得其人以致
民不聊生盜賊滋蔓所議甚得弭盜安民之要悉從之上

廣東古今輿要卷十九
田賦
武德二年制嶺南諸州稅米上戶二石一斗次戶八斗下戶六斗
斗配租以斂獲險易早晚遠近為差庸調輸以八月發以九月
月同時輸者先遠民皆自槩量州府歲市土所出為貢其
價視絹之上下無過五匹異物滋味名馬鷹犬非有詔不獻有加配則以代租賦若夷獠之戶皆從
半輸蕃胡內附者上戶丁稅錢十文次戶五文下戶免之附
經二年者上戶丁輸羊二口次戶一口下三戶共一口凡水
旱蟲霜為災十分損四以上免租者免調損六以上免租調
損七以上課役俱免舊唐書食貨志

廣東古今輿要卷十九

田賦

唐

武德二年制嶺南諸州稅米上戶二石一斗次戶八斗下戶六

斗配租以斂獲險易早晚遠近為差庸調輸以八月發以九月

月同時輸者先遠民皆自槩量州府歲市土所出為貢其

價視絹之上下無過五匹異物滋味名馬鷹犬非有詔不獻有加配則以代租賦若夷獠之戶皆從

半輸蕃胡內附者上戶丁稅錢十文次戶五文下戶免之附

經二年者上戶丁輸羊二口次戶一口下三戶共一口凡水

旱蟲霜為災十分損四以上免租者免調損六以上免租調

損七以上課役俱免舊唐書食貨志

先是揚州租調以錢嶺南以米安南以絲益州以羅紬綾絹供

春絲元宗時令江南亦以布代租凡庸調租資課皆任土所

宜州縣長官蒞定麤良具上中下三物之樣輸京都有濫惡督中物之直

新唐書
食貨志

宋

賦稅自唐建中初變租庸調法作年支兩稅夏輸毋過六月秋輸毋過十一月遣使分道按率其弊也先期而苛斂增額而繁征至於五代極矣宋制歲賦其類有五曰公田之賦凡田之在官賦民耕而收其租者是也曰民田之賦百姓各得專之者是也曰城郭之賦宅稅地稅之類是也曰丁口之賦百姓歲輸身丁錢米是也曰雜變之賦牛革蠶鹽之類隨其所出變而輸之是也歲賦之物其類有四曰穀曰帛曰金曰鐵物產是也穀之品七粟稻麥黍稷菽雜子帛之類十羅綾絹紗絕紬雜折絲線綿布葛金鐵之品四一日金二日銀三日

鐵蠟四日銅鐵錢物產之品六一日六畜二日齒革翎毛三日茶鹽四日竹木麻草芻菜五日果藥油紙薪炭漆蠟六日雜物其輸有常處而以有餘補不足則移此輸彼移近輸遠謂之支移其入有常物而一時所輸則變而取之使其直輕重相當謂之折變其輸之遲速視收成早暮而寬為之期所以紓民力諸州遂奏戶帳具載其丁口男夫二十為丁六十為老兩物折科物非土地所宜而抑配者禁之五代以來常檢視見墾田以定歲租吏緣為姦稅不均適太祖即位詔許民闢土州縣毋得檢括止以見佃為額選官分蒞京畿倉庾及諸道受民租調有增羨者輒得罪多入民租者或至棄市建炎四年下詔禁止令諸州受租籍不得稱分毫合龠銖釐絲忽錢必成文絹帛成尺粟成升絲綿成兩薪毫成束金銀

成錢紬不滿半疋絹不滿一疋者許計丈尺輸直無得三戶
五戶聚啟成疋送納煩擾夏稅廣南五月一日起納七月十
五日異秋稅自九月一日起納十二月十五日畢後又並加
一月或值閏月其田蠶亦有早晚不同有司臨時奏裁廣南
福建土多秔稻須霜降成實自十月一日始收租掌納官吏
以限外欠數差定其罰限前畢減選升資民逋租逾限取保
歸辦毋得禁繫宋史食貨志

大中祥符四年詔除廣南舊輸身丁錢文獻通考

咸平六年廣西運使馮璉上言廉橫賓白州民田雖耕墾未嘗
輸送已命官檢括令盡出常租上曰遐方之人宜省徭賦亟
命停罷同上

皇祐四年冬十一月詔免廣南民供軍需者秋稅十之三宋史

嘉祐四年復命轉運司裁定郴永桂陽衡道州所輸丁米及錢
絹雜物無業者弛之有業者減半後雖進丁勿復增取時廣
南猶或輸丁錢亦命轉運司條上自是所輸無幾矣皇祐中
天下墾田視景德增四十一萬七千餘頃而歲入凡穀廼減
七十一萬八千餘石景德中賦役之數總四千九百一十六
萬九千九百至皇祐中增四百四十一萬八千六百六十五
治平中又增一千四百一十七萬九千三百六十四其赦令
蠲除以便於民若逃移戶絕者不追景德中總六百八十二
萬九千七百皇祐中三十三萬八千四百五十七治平中一
千二百二十九萬八千七百每歲以災害蠲除者又不在是
焉元豐中以海南四州軍稅籍殘缺吏多增損輒移稅入他
戶代輸瓊州昌化軍丁稅米歲移輸朱崖軍道遠民以為苦

用體量安撫朱初平等議根括四州軍稅賦舊額存其正數

元豐間檢正中書戶房公事畢仲衍投進中書備對內所述天

下四京一十八路墾田並夏秋二稅見催額數目國朝令要

及四朝食貨志並不曾登載如此詳密故錄於此廣南東路

田三萬一千一百八十五頃一十八畝官田二百七十頃七

十二畝見催額七十六萬五千七百一十五貫正斤石夏稅

三萬五千七百六十四貫正斤石秋稅六十

宣和元年戶部尚書唐恪稽考諸路上供錢物之數內廣南東

路一十八萬八千三百貫匹兩

紹興三年令二廣人戶稅租合支移者量地里遠近遞贖無得

過三百里俱同上按建炎四年五月用江浙制置司隨

紹興二十九年丁卯除南雄英連三州經界復丁米舊額宋史高宗

紀本

乾道間詔沒官田產除兩淮京西湖北勿賣外江浙閩廣湖南

八路以田計者六百四十二萬畝有奇以地計者二萬一千

畝有奇以屋計者八千四百間有奇共估錢五百十六萬餘

緒朝野雜記

蘇軾以惠州秋米六萬餘碩九分二釐以下納人戶賣米二斗

以上方得納一斗請依見在市賣實直估定其第五等人戶

並聽情願任納錢米不拘前來元科數目東坡文集

元

天下歲入糧數總計廣省八十四萬三千七百八十七石元史食貨

志

至元三十年八月丁未湖廣行省言海南海北多曠土可立屯田詔設鎮守黎蠻海北海南屯田萬戶府以董之世祖本紀

至元三十年召募民戶並發新附士卒於海南海北等處置立屯田成宗元貞元年以其地多瘠瘠縱屯田軍二千人還各翼留二千人與召募之民屯種大德三年罷屯田萬戶府屯軍悉令還役止令民戶八千四百二十八戶屯田瓊州路五千一十一戶雷州路一千五百六十六戶高州路九百四十八戶化州路八百四十三戶廉州路六十戶為田瓊州路二百九十二頃九十八畝雷州路一百六十五頃五十一畝高州路四十五頃化州路五十五頃二十四畝廉州路四頃八十八畝元史食貨志

至治三年十二月丁亥詔以明年為泰定元年免大都興和差

稅三年免八番思播兩廣洞寨差稅一年元史泰定帝紀

罷廣東福建採珠蛋戶為民仍免差稅一年同上

明

廣東布政司田土計二十三萬七千三百四十頃五十六畝明會典

廣東布政司官田一萬七千九百六十一頃九十六畝二分三釐

民田五萬四千三百六十二頃四十九畝九分三釐

廣東都司並所屬衛所屯田共七千二頃三十畝七分

廣東布政司秋糧京庫折銀米四十萬石每石折銀二錢五分

廣東布政司夏稅麥五千三百二十石秋糧米一百四萬四千

七十八石俱同上

永樂中廣東瓊州黎人肇慶瑤人內附輸賦比內地天下本色

廣東古蹟要覽卷十九
稅糧二千餘萬石絲鈔等二千餘萬計明史食貨志

正統元年令廣東布政司折色稅糧布疋願納銀兩者俱米麥

一石折銀二銀五分解京折給軍官俸銀明會典

八年令廣東布政司查勘各處倉糧扣算常存本處官軍俸糧
三年沿海衛所五年餘剩之數每米一石折銀二錢五分解
京發各邊折給俸糧及糴糧備用

宏治十五年廣東布政司夏稅米五千九百七十八石三斗四
升二合九抄九撮六圭四粒農桑絲折絹一百疋六尺二
寸五分零絲一十三斤六兩一錢一分四釐改科絹二十五
疋秋糧米一百一萬七千八百八十六石一斗七升七合六勺七
抄二撮四圭九粟五粒改科絲折米一十二石五斗四升五
合五勺俱同上

正德十一年兩廣總督陳金以南雄府之保昌縣舊有虛糧七
十餘石每年責令見戶陪納公以本府太平橋所抽稅銀歲
不下萬餘兩多入私門乃以稅銀四之一代納又以潮州府
所轄諸縣亡戶米及失總米五千二百餘石均派無干之民
亦於本府廣濟橋鹽利內如數代納獻徵錄

嘉靖八年霍韜言自洪武及宏治百四十年天下額田已減強
半而湖廣河南廣東失額尤多非撥給於王府則欺隱於猶
民廣東無藩府非欺隱即委棄於寇賊矣司國計者可不究
心是時桂鄂郭宏化唐龍簡霄先後疏請覈實田畝而顧鼎
臣請履畝丈量丈量之議由此起江西安福河南裕州首行
之而法未詳具人多疑憚其後福建諸州縣為經緯二冊其
法頗詳然率以田為主田多者猶得上下其手神宗初建昌

知府許孚遠為歸戶冊則以田從人法簡而密矣明史食貨志

賦役之法萬歷時小有增損大畧以米麥為主而絲絹與鈔次

之夏稅之米惟江南湖廣廣東廣西農桑徧天下惟不及川

廣雲貴餘各視其地產明史食貨志

瓊田歲常三復以賦軍軍不時授俟民乏乃急斂以要利知府

王伯貞為立期三輸之弊始絕明史王直傳

嘉隆間廣東以軍興故增民間稅至萬歷初亂定李戴為戶科

給事中奏正之明史李戴傳

廣東攷古輯要卷二十

錢法

晉

孝武太元三年詔曰錢國之重寶小人貪利銷壞無已廣州夷人寶貴銅鼓而境素不出銅聞官私賈人貪比輪錢斤兩差重以入廣州貨與夷人鑄鞴作鼓其重為禁制得者科罪晉書食貨志

梁

梁初惟京師及三吳荆郢江襄梁益用錢其餘州郡則雜以穀帛交易交廣之域全以金銀為貨武帝乃鑄五銖女錢隋書食貨志按隋志梁武帝以舊錢不行乃鑄五銖女錢二品詔天下通用其時交廣或間用之至民間仍私用古錢而普通中改鑄鐵錢壞制大

陳

陳時嶺南諸州多以鹽米布交易俱不用錢同上

唐

憲宗元和四年詔采五嶺銀坑禁錢出嶺文獻通考

自建中定兩稅而物輕錢重民以為患至穆宗時帝亦以貨輕

錢重民困而用不充詔百官議革其弊戶部尚書楊於陵言

大歷以前嶺南雜以金銀丹砂象齒今一用泉貨故錢不足

今宜使天下兩稅榷酒鹽利上供及留州送使錢悉輸布帛

穀粟宰相善其議惟酒鹽本以權率計錢有殊兩稅之名不

可去錢新舊唐書合抄食貨志

太和五年二月鹽鐵使奏湖南諸州連嶺南山洞深遠百姓依

模監司錢樣競鑄造到脆惡錢轉將賤價博易與好錢相

和行用其江西鄂岳桂管嶺南等道應有出銅處亦慮私鑄

濫錢並請委本道觀察使條疏禁絕全唐文 欽定

文宗病幣輕錢重詔方鎮縱錢穀交易時雖禁銅為器而江淮

嶺南列肆鬻之鑄千錢為器售利數倍宰相李珣請加鑪鑄

錢於是禁銅器官一切為市之天下銅坑五十歲采銅二十

六萬六千斤及武宗廢浮屠法永平監官李郁彥請以銅像

鐘磬皆歸巡院許諸道觀察使皆置錢坊文獻通考按嶺南採銅鼓鑄始於此

南漢

乾亨元年冬十月鑄乾亨重寶錢十國春秋南漢高祖本紀

乾亨重寶徑七分重六銖李孝美錢譜

二年以國用不足又鑄鉛錢十當銅錢一南漢高祖本紀

鉛錢有二品輪郭鏗薄大者徑寸重三銖九參重寶二字傅形

小者徑九分重三銖六參洪遵泉志

乾亨重寶三銖六參同上

南漢乾和後多聚銅錢城內用鉛錢城外用銅錢禁其出入犯者抵死俸祿非特恩不給銅錢十國紀年按十國春秋紀此於後主大寶五年

宋

端拱元年內侍蕭延皓使嶺南還以民間私鑄三等錢來上且

言多與蠻人貿易侵敗禁法因詔察民私鑄及銷鎔好錢作

薄惡錢者並棄市輒以新惡錢與蠻人博易者抵罪宋史食貨志

韶州曲江永通一錢監惠州歸善阜民一錢監元豐九域志

慶曆八年九月癸亥韶州置鑄銅監時天興場歲采銅二十五

萬斤皇祐元年丁卯以韶州新置監為永通監錢額四萬七

千十七貫淳熙十二年三月省五海

皇祐中饒池江建韶五州鑄錢百四十六萬緡至平治中饒池

江建韶儀六州鑄錢百七十萬緡宋史食貨志

元祐八年罷二廣鑄折二錢五海

神宗時以興國軍睦衡舒鄂惠州既置監六通舊十六監水陸

回遠增提點之官時諸路大率務於增額詔惠州永通阜民

監舊額八十萬至七年增三十萬及折二凡五十萬後萬州

以多鐵礦皆置監按文獻通考元豐間韶州永通監歲鑄錢一

十二路行使廣南東路居其一

熙甯八年進熙河當二鐵錢樣九年罷折二錢

初薛向鑄鐵錢於陝西後許彥先鑄於廣南既而民不使用的

宗欲遂罷之王安石固爭乃詔京師畿內並罷其行於四方

蓋如故

崇寧三年以二廣產鐵合鼓鑄小鐵錢止行於兩路宋史食貨志

四年趙挺之爲門下侍郎繼拜右僕射極言當十錢不便私鑄
寢廣乃令提刑司歲較巡捕官一路所獲多廣繼令福建廣
南毋行用第鑄以上供及給他路

五年兩浙盜鑄尤甚小平錢益少市易濡滯遂命以折十折五
上供小平錢留本路江池饒建韶州錢監歲課以八分鑄小
平錢二分鑄當十錢俄詔廣南江南福建兩浙荆湖淮南折
二錢改鑄折十錢皆罷其創置鑄錢院及招致錢戶並停繼
復罷當十二分之令盡鑄小平錢俱同上

宋初諸路錢歲輸京師四方由此錢重而貨輕景祐初始詔三
司可以江東福建廣南歲輸緡錢三十餘萬易爲金帛錢流民
間文獻通考

王安石爲政始罷銅禁姦民日銷錢爲器邊關海舶不復譏錢

之出國用日耗同上

初蔡京主行夾錫錢詔鑄於陝西既而河東轉運使洪中孚請
通行於天下京欲用其言會罷政大觀元年京復相遂降錢
式及錫母於鑄錢之路鑄錢院專用鼓鑄若產銅地始聽兼
鑄小平錢復命轉運司及提刑司參預其事衡州熙寧鄂州
寶泉舒州同安監暨廣南皆鑄焉二年復罷宋史食貨志

政和二年蔡京復得政條奏廣惠康賀衡鄂舒州昨鑄夾錫錢
精善請復鑄如故廣西湖北淮東如之且命諸路以銅錢監
復改鑄夾錫錢遂以政和錢頒式焉

先是衡舒巖鄂韶梧州六監歲鑄錢百五十六萬緡充逐路支
用建炎經兵鼓鑄皆罷紹興二十七年秋七月復饒贛韶鑄
錢監以漕臣往來措置通判主之皆同上

紹興二十七年七月戶部侍郎林覺請出版曹錢八萬緡為饒

贛韶三監鑄本錢權以五十萬緡為額朝野雜記

乾道六年三月乙酉立沿海州軍私齎銅錢下海船法宋史孝宗本紀

慶元三年制建韶饒贛等州皆自提點所泛湖由江入漕渠輸

之京帑

端平元年六月癸巳禁毀銅錢作器用並貿易下海宋史理宗本紀

大觀中歲收錢六百六十餘萬斤江湖閩廣十監每年共鑄錢

二百八十九萬四百緡計用銅一千十一萬五千斤韶州永

通八十三萬緡逐路交用以所入約所有計少銅三百三萬

五千斤自渡江後歲鑄錢才八萬緡近歲始倍蓋銅鐵鉛錫

之入視舊才二十之一舊一千三百二十萬斤今七十餘萬

斤所鑄錢視舊亦有二十之一爾朝野雜記

自置市舶於浙於閩於廣船商往來錢寶所由泄淳熙九年詔

廣泉明秀漏泄銅錢坐其守臣嘉定九年三省言自來有市

舶處不許私發番船紹興末臣僚言泉廣二舶司及西南二

泉司遣舟回易載金錢四司既自犯法郡縣巡尉其能誰何

宋史食貨志

端平元年以舊錢之精緻者泄於海舶申嚴下海之禁

淳祐四年以右諫議大夫劉晉之言復申嚴漏泄之禁八年監

察御史陳求魯言番舶巨艘販於中國者皆浮靡無用之異

物而泄於外夷者乃國家富貴之操柄香藥象犀之類異物

之珍奇可玩者本無通用之實服御之間昭示儉德自上化

下風俗丕變則漏泄之弊少息矣有旨從之十年以會價低

減復申嚴下海之禁十二年申嚴鈺銷之禁及偽造之法咸

淳元年復申嚴鈔銷漏泄之禁俱同上

明

廣東爐一十九座半每歲鑄錢一千一百二十七萬二千四百

文明會典

洪武二十六年定在外布政司一體鼓鑄明史食貨志

二十六年罷寶泉局時兩浙江西閩廣民重錢輕鈔有以錢百

六十文折鈔一貫者由是物價翔貴而錢法益壞不行同上

永樂九年令差官於廣東布政司鑄永樂通寶錢明會典

萬曆四年命十三省布政司皆開局鼓鑄明史食貨志

廣東考古輯要卷二十一

鹽法附鐵政

漢

元封二年置鹽官凡二十八郡南海番禺蒼梧高要文獻通考

三國

吳置司鹽都尉於東莞郡郡志案宋書州郡志作司鹽都尉

唐

乾元元年置巡院十三日嶺南文獻通考

潮州海陽縣鹽亭驛元和郡縣志

廣州新會有鹽潮州海陽有鹽瓊州瓊山有鹽振州寧遠有鹽

近海百姓煮海水為鹽遠近取給新唐書地理志

宋

廣州東莞三鹽場海南黃田歸德三鹽柵新會海晏博勞懷寧

都斛甦峒金斗六鹽場潮州海陽淨口松口三河口三鹽場

惠州歸善淡水一鹽場海豐古龍石橋二鹽場元豐九城志

東南鹽利視天下為最厚鹽之入官廣南為錢五其出視去鹽

道理遠近而上下其估利有至十倍者文獻通考

開寶四年四月己巳詔權嶺南鹽海玉

祥符中邵曄知廣州被疾乃授陳世卿秘書少監代之加賜紫

金郡有計口買鹽之制人多不便至即奏除之宋史陳世卿傳

天聖九年三司請權貨務入錢售東南鹽以百八十萬三千緡

為額後增至四百萬緡嘉祐中權貨務課不登於是即發運

司置官專領運鹽公事而淮南兩浙福建江南荆湖廣南六

路歲售緡錢皇祐中二百七十三萬治平中三百二十九萬

江湖運鹽既雜惡官估復高故百姓利食私鹽由是盜販者

眾江西則虔州地連廣南而福建之汀州亦與虔接虔鹽弗

善汀故不產鹽二州民多盜販廣南鹽以射利每歲秋冬田

事纔畢恆數十百為羣持甲兵旗鼓往來虔汀漳潮循梅惠

廣八州之地所至劫人穀帛掠人婦女與巡捕吏卒鬪格至

殺傷吏卒則起為盜依阻險要捕不能得或赦其罪招之歲

月浸淫滋多而州官糶鹽歲纔及百萬觔慶歷中廣東轉運

使李敷玉繇是請運廣州鹽於南雄州以給虔吉未報即運

四百餘萬觔於南雄而江西轉運使不以為便不往取後三

司戶部判官周湛等八人復請運廣鹽入虔州江西亦請自

具本錢取之詔尚書屯田員外郎施元長等會議皆請如湛

等議而發運使許元以為不可遂止嘉祐以來或請商販廣

南鹽入虔汀所過州縣收算或請放虔汀漳循梅潮惠七州

鹽通商或謂第歲運淮南鹽七百萬斤至虔二百萬斤至汀

民間足鹽寇盜自息或請官自置捕役兵卒運廣南福建鹽

至虔汀州論者不一

宋史食貨志按此後用沈扶等議選江西漕船團為十綱以三班使臣部之直

取通秦楚都倉鹽後江西提點刑獄蔡挺又增為十二綱盜販稍止

止齊陳氏曰雍熙二年三月令河東北商人如要折博茶鹽令

所在納銀赴京請領交引蓋邊郡入納算請始見於此而廣

東鹽算請始景祐二年

文獻通考

嘉祐中蔡抗徙廣東轉運使以番禺歲運鹽英韶道遠多侵竊

雜惡抗命十舸為一運擇攝官舉之歲終會其殿最增十五

萬緡

宋史蔡抗傳

嘉祐中職方員外郎黃炳議虔州食淮南鹽斤錢四十熙甯初

江西鹽課不登三年提點刑獄張頤言虔州官鹽鹵溼雜惡

輕不及斤而價至四十七錢嶺南盜賊入虔以斤半當一斤

純日不雜賣錢二十以故虔人盡食嶺南鹽乃議稍減虔鹽

價仍定歲運淮鹽十二綱至虔州及章惇察訪湖南符本路

提點刑獄朱初平措置般運廣鹽添額出賞然未及行元豐

三年惇既參政有郊直者迎合惇意推仿湖南之法乞運廣

鹽於江西即遣蹇周輔往江西相度周輔承望惇意奏言虔

州運路險遠淮鹽至者不能多人苦淡食廣東鹽不得輒通

盜販公行淮鹽官以九錢致一斤若運廣鹽盡會其費減淮

鹽一錢而其鹽更善運路無阻請罷運淮鹽通般廣鹽一千

萬斤於江西虔州南安軍復均淮鹽六百一十六萬斤於洪

吉筠袁撫臨江建昌興國軍以補舊額詔周輔立法以聞周

輔具鹽法並總目條上大率脫剝於民民被其害舊江西鹽場許民買樸周輔悉籍於官賣之遂以周輔遙領提舉江西廣東鹽事即司農寺置局六年周輔為戶部侍郎復奏湖南郴州道州鄰接韶連可以通運廣鹽數百萬卻均舊賣准鹽於潭衡永全邵等州並準江西廣東見法仍舉邲宜初議邲全道三州亦賣廣鹽詔委提舉常平張世澄轉運判官陳偲措置明年士澄等具條約來上詔施行之額利增加一方騷然宋史食貨志

哲宗即位之明年邲宜坐倡議運廣鹽江西張士澄坐附會推行周輔之法並黜官同上

紹興四年詔淮浙鹽鈔錢每袋增貼輸錢三貫文並計綱赴行在尋命廣鹽亦如之同上

紹興八年詔一廣鹽通行客鈔專置提舉一員於廣州盡領兩路鹽事同上

紹興三十二年鹽場額廣東路廣州九潮州三惠州三南恩州

二廣西路廉州一高州二欽雷各二化州二玉海

廣州東莞靖康等十三場歲鬻一萬四千餘石以給本路及西路之昭桂州江南之南安軍廉州白石石康二場歲鬻三萬石以給本州及容白欽化蒙龔藤象宣柳邕潯貴賓梧橫南儀鬱林州又高竇春雷瓊融崖儋萬安州各鬻以給本州無定額天聖以後東西海場十三皆領於廣州歲鬻五十一萬三千六百八十六石以給東西二路而瓊崖諸州其地荒阻賣鹽不售元豐三年廣東漕臣奏嶺外依六路法以逐州管幹官為鹽官提點刑獄兼提舉鹽事考較賞罰如之瓊崖等

州復請賦鹽於民斤重視其戶等而民滋困矣南渡渡廣之鹽皆屬於漕司量諸州歲用而給之鹽然廣東俗富猶可通商廣西地廣莫而彫瘁食鹽有限商賈難行自東廣而出乘大水無灘磧其勢甚易自西廣而出水小多灘磧其勢甚難建炎末鬻鈔未幾復止然官般客鈔亦屢有更革東西兩漕屢有分合紹興元年三月南恩州陽江縣土生鹹募民墾之置竈六十七產鹽七十萬八千四百斤收息錢三萬餘緡八年詔廣西鹽歲以十分爲率二分令欽廉雷化高五州官賣餘八分行鈔法尋又詔廣東鹽九分行鈔法一分產鹽州縣出賣廣南去中州絕遠土曠民貧賦入不給故漕司鬻鹽以其息什四爲州用可以粗給而民無加賦九年罷廣東官賣行客鈔法以其錢助鄂兵之費孝宗乾道四年罷鹽鈔令廣

西漕司自認漕錢二十萬且廣西之鹽乃漕司出賣自乾道元年因曾連請並歸廣東於是度支唐琢言廣西鹽引錢欠幾八千萬緡緣向來二廣鹽事分東西兩司而西路鹽常爲東路所侵若廣西自作一司故鹽不至虧減今旣罷西司并入東路則廣東之鹽無復禁止廣西坐失一路所入故有是命九年詔廣州復行官般官賣法淳熙中漕臣趙公澣增鹽直斤百錢爲百六十欽州歲賣鹽斤千斛而五增之六年侍御史江溥以爲言上黜公澣詔閩廣賣鹽自有舊額定直自今毋得擅增九年詔遣廣西撫幹胡廷直訪求利害與帥漕提舉詳議以聞還尋以廷直舉提廣東同措置廣西鹽事

宋史

十五年命詹儀之知靜江府并廣東西鹽事爲一司其兩路賣

鹽歲以十六萬五千籬為額儀之等言兩路鹽且以十萬籬為額俟三數年視其增虧乃增其額所有客鈔東西路通貨錢與免以便商販十六年經畧應孟明言廣中自行鈔法五六年間州縣率以鈔抑售於民其害有甚於官般詔孟明朱晞顏與提舉廣西鹽事王光祖從長措置寶慶元年以廣州安撫司水軍大為興販罷其統領尹椿統轄黃受同新會縣上川洲下川洲在縣南二百六十里大海中其洲帶山灣浦有鹽田土煎為業太平實咸淳七年免廣東提舉司鹽籬銀三萬兩宋史本記今日廣右漕計在鹽而已鹽場濱海以舟運於廉州石康倉客販西鹽者自廉州陸運至鬱林州而後可以舟運斤兩重於東鹽商人猶艱之自改行官賣運使姚孝資重實當是任乃

置十萬倉於鬱林州官以牛車自廉州石康倉運鹽貯之庶一水可散於諸州取其息以八分歸漕司二分歸本州又海南四州軍及欽廉雷化高皆產鹽州軍昔賣漕司二分鹽亦以八分息歸漕司周去非嶺外代答

元

至元十三年克廣州因宋之舊立提舉司從實辦課十六年立江西鹽鐵茶都轉運司所轄鹽使司六各場立管勾是年辦鹽六百二十一引二十二年分江西鹽隸廣東宣慰司歲辦一萬八百二十五引二十三年并廣東鹽司及市舶提舉司為廣東鹽課市舶提舉司每歲辦鹽一萬一千七百二十五引大德四年增至正餘鹽二萬一千九百八十二引十年又增至三萬引十一年三萬五千五百引至大元年又增餘鹽

一萬五千引延祐二年歲煎五萬五百引五年又增至五萬
五百五十二引所隸之場凡十有三元史食貨志

廣東鹽課提舉司至元十三年始從廣州煎辦鹽課十六年隸
江西鹽鐵茶都轉運司二十二年并入宣慰司二十三年置
市舶提舉司大德四年改廣東鹽課提舉司提舉一員從五
品同提舉一員從六品副提舉一員從七品其屬附見鹽場
十三所每所司令一員從七品司丞一員從八品管勾一員
從九品 靖康場 歸德場 東莞場 黃田場 香山場
雙恩場 鹹水場 淡水場 石橋場 隆井場
招收場 小江場元史百官志

至元十三年初立廣海鹽課提舉司辦鹽二萬四千引三十年
又立廣西石康鹽課提舉司大德十年增一萬一千引至大

元年又增餘鹽一萬五千引延祐二年正餘鹽通為五萬一
百六十五引元史食貨志

順帝至元二年監察御史韓承務建言廣東道所管鹽課提舉
司自至元十六年為始止辦鹽額六百二十一引自後累增
至三萬五千五百引延祐間又增餘鹽通正額計五萬五百
五十二引竈戶窘於工程官民迫於催督呻吟愁苦已逾十
年泰定間減免餘鹽一萬五千引元統元年都省以支持不
敷權將已減餘鹽依舊煎辦今已二載未蒙住罷竈戶鹽丁
十逃三四官吏畏罪止將見存人戶勒令帶煎誠恐有司責
辦大嚴歛怨生事所係非輕戶部定擬自元統三年為始廣
東提舉司所辦餘鹽量減五千引十月初九日中書省以所
擬奏聞得旨從之上

廣東省志卷二十一
至元五年三月湖廣行省咨中書省云廣海鹽課提舉司額鹽
三萬五千一百六十五引餘鹽一萬五十引近因黎賊為害
民不聊生正額積虧四萬餘引卧收在庫若復添辦餘引因
苦未蘇恐至不安戶部擬於一萬五千引內量減五千引以
舒民力中書以所擬奏聞得旨從之同上

明

洪武二年置廣東海北提舉司歲辦鹽課每引四百斤十七年
定鹽工本鈔廣東北海每引俱二貫明會典
廣東鹽課提舉司鹽場一十四處歲辦鹽四萬六千八百五十
五引一百斤零海北鹽課提舉司鹽場一十五處歲辦鹽二
萬七千四十引二百斤零廣東鹽課司見今歲辦如舊額海
北鹽課司每歲辦鹽一萬九千四百八十三引四百九十斤

本色鹽一萬三千三百八十引一百斤折色鹽六千一百三
引九十斤同上

洪武三年以山西行省言召商輸糧自一石至一石三斗而與
之鹽謂之開中其後各行省邊境多召商中鹽以為軍儲仁
宗立以鈔法不通議所以歛之之道遂定各鹽司中鹽則例
廣東百貫明史食貨志

明初仍宋元舊制所以優恤竈戶者甚厚歲撥附近州縣倉儲
及兌軍餘米以待給兼支錢鈔以米價為準尋定鈔數廣東
海北引二貫同上

洪武三十年嚴震直疏言廣東舊鹽八十五萬餘引於廣西召
商中買今計終年所運纔十之一請分三十萬八千餘引於
廣東別募商入粟廣西之糧衛所令支鹽廣東嚮之江西南

安贛州吉安臨江四府至便帝從之廣鹽行於江西自此始

明史嚴震直傳

永樂初年黃福請循瀘江北岸至欽州設衛所置驛站以便往來開中積鹽使商賈輸粟以廣軍儲官吏俸廩倉粟不足則給以公田又言廣西民餽運陸路艱險宜令廣東海運二十

萬石以給皆報可

明史黃福傳

永樂二十年今廣東鹽課提舉司鹽課許軍民人等於京庫報納舊鈔填給勘合赴各運司提舉司不拘資次支鹽

明會典

初廣東鹽例不出境歲欠鹽積商困往往賄守關者越過廣西市利巡撫葉盛以聽之則法壞而利歸於商禁之則商滯而利歸於關津乃請許鹽商計鹽多寡入米餉邊而後出境於是公私兩利

明會典

景泰五年令廣東鹽課司竈丁有私煎餘鹽者送本司每引官

給米四斗

明會典

天順五年兩廣用兵陳俊督餉時州縣殘破帑藏殫虛弛鹽商越境令引加米二斗軍興賴以無乏

明史陳俊傳

成化初都御史韓雍於肇慶梧州清遠南雄立抽鹽廠官鹽一引抽銀五分許帶餘鹽四引引抽銀一錢都御史秦紘許增帶餘鹽六引抽銀六分正德初增至九錢而不復抽官引引目積滯私鹽通行乃用戶部郎中丁致祥請復舊法而他處商人夾帶餘鹽掣割納價惟多至三百斤者始罪之

明史食貨志

正德初都御史陳金以流賊軍餉立廠於贛州抽分廣鹽許至袁臨吉三府發賣起正德六年至九年止至十二年巡撫王守仁議以為廣鹽行則商稅集而用資於軍餉賦省於貧民

廣東省志卷二十一
廣鹽止則私販興而弊滋於奸宄利歸於豪右况南贛巢穴
雖平殘黨未盡方圖保安之策未有撤兵之期若鹽稅一革
軍餉之費苟非科取之貧民必須仰給於內帑夫民已貧而
歛不休是驅之從盜也外已竭而殫其內是復殘其本也臣
竊以爲宜開復廣鹽著爲定例得俞旨明典彙
國初湖廣江西全省俱行淮鹽後因兩廣用兵設立鹽廠廣西
於梧州許行湖廣衡永二府廣東於潮州南雄許行江西南
贛二府後增袁吉臨三府袁臨旋罷惟南贛吉衡永五府食
廣鹽近歲改行淮鹽民情大稱不便總督兩廣吳桂芳南贛
吳百朋請復行廣鹽從之同上
六帖鄭畋請以嶺南鹽鐵委廣州節度使韋荷歲煮海取鹽四
十萬緡市虔谷米以贍安南按欽州龍門江西行可以達交

陞永安州黃志

隆慶四年廣西古田平巡撫都御史殷正茂請官出資本買廣
東鹽至桂臨發賣七萬餘包可獲利二萬二千有奇從之明史
食貨志

廣東所轄鹽場十四海北所轄鹽場十五各鹽課司一洪武時
歲辦大引鹽廣東四萬六千八百餘引海北二萬七千餘引
宏治時廣東如舊海北萬九千四百餘引萬歷時廣東小引
生鹽三萬二百餘引小引熟鹽三萬四千六百餘引海北小
引正耗鹽一萬二千四百餘引鹽有生有熟熟貴生賤廣東
鹽行廣州肇慶惠州韶州南雄潮州六府海北鹽行廣東之
雷州高州廉州瓊州四府湖廣之桂陽郴二州廣西之桂林
柳州梧州潯州慶遠南寧平樂太平思明鎮安十府田龍泗

城奉議利五州歲入太倉鹽課銀一萬餘兩上同

陳一教復通鹽路疏畧曰沿海一帶額設鹽場二十七所遠近鹽船大小不等大約不下數千各船水手多寡不等大約不下數萬此數萬人者勇健精悍之夫俗稱之爲後生各絜其軀命自試於海洋洶險之中僥倖萬一以爲餬口養身之計一遇海盜則人自爲兵不待官府而自行勦滅故當時商本不虧國課完足邊海之民有所取給而不至爲亂良以鹽法通行無所奪於上亦無所阻於外也故論者謂欲廣東無事在復鹽船欲鹽船咸利在通鹽法真知要之論也乃今日則鹽法日滯邊隅生計日促流禍之深將有不可勝言者某惟往年廣鹽一由廣西以達湖廣一由南雄以達江西在廣西則係民商貿易價值與時低昂未有官府抑勒如今日者在

江西則袁臨吉三郡皆食廣鹽未有准鹽多端攙奪如今日者查得廣西官鹽原自前任總督兩廣設奉征古田地方借用帑金一十四萬議取臨桂鹽利補額設立木馬運船與民參賣每運計利一萬餘兩以十四運爲止不過求補帑金額數而已豈知法立弊生官賺利於上民朘削於下今已十八運原額已過額外運金積於無用況當運官取鹽之日但知按數取盈抑勒賤賣豈顧小民財本虧折已多及至該賣地方嚴爲限禁官民互相配賣官鹽雄據以爭利民鹽壅塞而不行老引日積鹽本日耗此則廣西行引之路塞也又查得江西袁臨吉三郡原食廣鹽蓋自正統年間已爲定規故鹽利日通民生有賴嘉靖年間分宜嚴用事不由覆議徑奪袁臨二郡以惠淮商厥後鹽漸不行烏艘等船亦因以廢致海

賊許朝光曾一本林鳳林道乾相繼爲亂嶺海騷動二十餘年某惟國家行鹽自有各該地方彼此遵行已久豈容徇私攬奪今准鹽布滿諸省廣鹽獨行江右一隅而袁臨尙未退還所以爲淮商者得矣如廣民何此則江西行鹽之路塞也二路已塞鹽法不通昔廣西額銷二萬餘引今爲官鹽所限官鹽每運只消四千引民鹽亦只消四千引比額則失去一萬四千有奇連韶額銷二萬餘引今爲官鹽所限只消七千二百引比額則失去一萬二千有奇江西五郡額銷二十萬引今爲淮商阻塞吉安只消六七萬引南贛只消一萬五千餘引比額則失去一十二萬有奇在江西則行鹽之路太狹在廣西則配搭之限未除在竈民則煮海無益徒坐困於飢寒在商民則生理無路而待斃於旦夕某見載鹽之船千艘

皆無用而停泊於內河駕船之夫數萬人皆無靠而流離於外海勢非聚眾而出海盜珠則烏合而奔投番舶將有嘯聚徒黨據險阻兵如曩時許朝光等之所爲者計所必至也

海文

附鐵政

粵東之產鐵秦以前未著也卽漢元狩四年置鹽鐵官元封元年又置鐵官四十郡皆不及百粵之地孝昭帝時桓寬作鹽鐵論六十篇亦未嘗詳言嶺表鐵冶之事至唐時第五琦劉晏輩爲諸道鹽鐵使宋復以鐵屬諸提舉轉運粵之鐵始稍稍有稱而終不能與吳楚齊魯爭雄自前明洪武六年置十三處鐵冶所輸鐵七百四十六萬斤而廣東之鐵稱爲最良宏治年間歸善縣請開鐵冶有司課外索賂唐大鬚等因致亂都御史劉大夏討平之正德十四年廣州置鐵廠以鹽課

廣東通志卷二十一
提舉司領之禁行私販如鹽法焉

兩廣鹽法志附鐵志

考嶺南當隆寒之時木葉不凋惟產鐵之山則木早脫焉求鐵者以是知之或曰山有黃水滲流從茲掘之百不失一開鑪始於秋終於春以天寒則鐵多水豈金爲水源水盛於金之道歟蓋天下之鐵莫良於廣東而廣鐵之精莫過於羅定其鐵光潤而柔可拔爲綫然其鑄而成器也又莫善於佛山故廣州南雄韶州惠州羅定連州懷集之鐵均輸於佛山云



